



崇禎十四年十五年

七十八



國權

鹽官談遷孺木著

辛巳崇禎十四年
正月丁丑朔張獻忠陷巴州遂犯達州

劉澤深為刑部尚書

故大學士薛國觀奏刑科給事中袁愷誣劾出禮部主事吳昌時意
裁上不聽
已卯李自成破永寧殺萬安王采鏗連破四十八寨土賊響應遂陷
宜陽衆臣數十萬杞人諸生李巖為謀主以所掠濟飢民故所至咸
歸兵益盛

庚辰夜河南共謀

癸未房可壯為太僕寺少卿

甲申工祈穀大光明殿還享太廟

張獻忠復走開縣人烟絕者七百里初萬元吉欲間道出梓潼扼賊

歸路楊嗣昌檄躡賊諸軍皆向瀘州賊東返無兵不可獲過貨人龍

頃兵廣元不進

錦衣衛左都督孫光先進太子太保

乙酉通政司使施邦曜罷

丙戌御經筵

朱兆栢丘瑜為少詹事纂修玉牒

戊子吏部言外戚

求詹子入國子監命放祖制

己丑總兵猛如虎率諸將及賊于開縣會暮雨諸將以力乏請詰朝

戰參將劉士傑曰逐賊四旬僅而及之惟敵是求今遇賊不戰縱敵

失賊誰執其咎乎願為諸將先如虎以親兵從之士傑奮勇搏賊連

勝之獻忠憑高見無後繼以銳統谷中馳軍後左軍先潰士傑及游

擊郭閔猛先捷皆戰死如虎突圍出馬伏軍符盡失賊東走巫山大

昌萬元吉赴開縣收殘兵祭陣亡哀動三軍楊嗣昌聞失利始悔不

用諸將扼歸路之謀矣

辛卯刑科給事中楊本道言刑獄部修斃囚命該部參核各司官以

後因故報部科

壬辰元夕宴百官於建極殿

丁酉盜掠固原監黑水監殺千總戴瑜

命建極殿

戊戌王廷垣為南京國子祭酒
辛丑李自成陷河南弒福王常洵殺前南京兵部尚書呂維祺去冬
自成獲招亡命數百餘人聞福府當時歲饑路等相望潛渡河計通
總兵王秉忠部下詔入城大肆焚掠執福王及呂維祺值於西閤維
祺告王曰名義為重毋自辱王色怖泥首乞命自成責數其失弒
之承奉崔升守屍慟哭乞賊一棺瘞之升自殺維祺罵賊不屈死又
殺河南道副使吳橋王胤長知府臨汾亢思檜萬曆己酉貢士群盜
輻輳自成稱闖王獨雄一部同黨羅汝才稱代天撫民德威大將軍

有衆數萬雖以東屬之自成以邵時昌為總理令守河南李仙風偵
賊已去引兵至時昌來迎仙風斬之變聞上怒甚逮總兵官咸寧

王紹禹磔之籍其家妻子沒入功臣家并其兄監生紹舜流大同

談遷曰維陽之陷雖出慮表然守臣扞擻之謂何二十四騎致屠
全城則衣衾不戒莫夜勿恤也福恭王以神祖愛子田租賜予
獨冠三藩東平河間之風無間梁孝睢陽之富日著嗚呼侯之門
仁義附焉仁義不施乞命蹻跣至為千乘之大戒雖蹇值末運獨
不當為社稷自愛耶

壬寅黃霧四塞日青無光夜大雨嘉興城聲震如裂時曰城愁

甲辰夜山東土寇李廷實李鼎鉉等陷高唐州時山東盜起兗州二

十餘州縣一時嘯聚惟齊寧滋陽無盜京畿道梗省直餉銀數百萬
俱阻于兗州東平州吏胥倡亂迎賊入城據之總兵劉澤清破賊復
其城

河南土賊嘯聚數千人封丘知縣蘓茂柏擊破之

是月督師大學士楊嗣昌自夷陵沂江入四川歷三峽夔門寇已深

入川南漸薄成都嗣昌從陸至廣安

二月丙午朔鎮遠侯顧肇跡提督操江

唐成張獻忠陷襄陽獻忠前走四川出山谷僻徑直走襄陽先遣謀

入城通獄盜又偽賈運車載兵車中為內應詐傳楊嗣昌令兵十

騎取餉入城夜半舉火開門千騎奄入殺襄王及貴陽王常法

其福清王常澄進賢王常洽及襄陽知府王承曾等並走免兵備副
使張克儉推官番禺鄭曰廣死之崇禎丁丑進士掠官屬官婢發十
萬金賑饑聞河南破仍通李自成還攻開封

襄陽守兵數千軍資山積盡為賊有初左良玉掠賊輜重畜許州為

張獻忠取之至是良玉在鄆復置督學于襄陽又為獻忠有良玉馳

援不及

辛亥進嘉定伯周奎少保兼太子太師左都督周鑑太子太師周鉉

右都督周鉞周鍾並錦衣衛指揮同知

諭各撫按捕蝗種

壬子何瑞徵管紹寧為左右庶子兼翰林院侍讀黃起有周鳳翔孫

從度為左諭德兼侍讀式亦剌魯林
命戶部止昨年此穀之數限十日

張獻忠陷樊城

癸丑李存善嗣武清侯

甲寅內官太監陰象坤提督太和山

丙辰黃道周解學龍獄上下鎮撫司詞連黃文煥陳天定文震亨孫

嘉績楊廷麟劉履丁養河田詔俱講學友也

光祿寺卿徐石麒言戶工兩部題留截留外止二十一萬餘金十一

年十二年虧十五萬有奇所以然者有三曰題參太緩罰處太輕事

權相隔上上是之令嚴加參罰

戊午山東土寇掠東阿汶上時東寇益熾徐德千里白骨縱橫又旱

荒大饑民父子相食行人斷絕

李自成合群盜攻開封開封為宋汴京完顏亮益增築堅厚五丈賊

以洞車障士傳城穴之七晝夜不息鑿深者四丈有奇巡按高名衡

嬰城固守餉匱周王恭枵出庫金五十萬買米麥餉守陴者復募死

士斃一賊予五十金斃賊甚眾賊退數舍李仙風督諸將高謙馳

救陳永福背城而戰二日三捷賊退開封解嚴

己未張獻忠陷當陽郟縣

辛酉徐石麒為通政司使呂大器為右僉都御史巡撫甘肅魯櫻為

右副都御史巡撫登萊

上疾良已進范復粹少保兼太子太傅建極殿大學士張四知太子少保吏部尚書武英殿大學士魏紹乘太子少傅戶部尚書文淵閣大學士陳演禮部尚書文淵閣大學士各賜金幣

命范復粹清獄

壬戌巡撫山西右副都御史宋賢言大寧河清七日
癸亥詔曰朕自御極以來事無大小皆親自裁決是以積勞成疾諸症交侵且時事多艱閭閻彫劫無告災黎困窮已極目前更望飽得甘霖百姓蘓生倒懸可解況今畿南山東河南等處深土猖獗兵民戕殺幾無寧日甚至人相食朝不保暮如此情形深堪閔惻又胡氛未息議調多兵勢又措餉然催徵原非得已惟恨貪官奸吏借此

弊外朘削有限之民力其苦何堪至於倚上凌下民受冤抑無所控訴或官吏行酷暗害民生或讞獄不平奸良顛倒或紳衿土豪驕橫侵霸或藩王宗室暴虐恣睢或勳戚及內外官肆行擾害或犯罪情輕因官吏勒索不遂延捱不結竟至瘦斃或情面囑託多方出脫而大奸漏網或文武各官不實修職業惟營己私或蒙蔽隱徇朋庇作奸罔念軍國之重種情弊有一於此皆足仰干天和昨又天儆黃青為災豈非多惡積於下而天變即示於上總朕涼德寡聞明不足以辨奸德不足以格物誠不足以動天信不足以孚人是以百司失職災異疊興民遭塗炭安枕無期朕忝風化君師之位竟無建極表正之實每一思及酸心媿赧朕病今幸稍愈哀此黎庶教化未洽

而兵荒相繼致犯法日衆朕仰體天心敬遵祖法大赦中外併今歲
暫免行刑特勅京省經管官將已結未結輕重等罪凌遲斬絞充
分別減等徒配杖笞酌行寬釋贓多則酌減贓少則分釋俱開後條
例限季夏終旬內外具奏敢有怠慢出入等弊定治重罪務期刑獄
平允奸良剖白庶幾稍消怨氣免致干和
乙丑夜張獻忠陷光州
丙寅土賊陷河陰據之游擊高謙攻圍七晝夜拔之斬其魁
丁卯夜山西偏頭關天鳴
河南土寇陷新野尋攻息汝光山
己巳召閣臣范復粹張四知謝陞魏昭乘陳演禮部尚書林欲楫侍

即王錫象蔣德璟兵部尚書陳新甲禮科都給事中葉高標戶科右
給事中章正宸禮科右給事中李煇給事中陰潤周正儒兵科都給
事中張縉考駙馬都尉冉興讓等於乾清宮之左室初上稍違豫
問安訖諭曰歲饑盜獗至陷維陽戕福王朕不德一至此泣下諸臣
引罪上曰否否興讓言此係氣數復粹亦如之上曰非也雖氣
數亦賴人事幹旋閣臣因請河南賑饑又都下粥廠多至數十萬當
設法遣歸原籍上曰待二麥熟雨足彼自歸矣出縉考駙及巡按
河南高名衡蹂內引福世子由崧諭禮縉考曰臣河南人也聞福世
子逃孟縣人郭以信來故悉之上曰必信云何曰必信見世子
衰服且遇害日有內員環泣不去問內員何名曰崔升問世子若何

曰世子衣不蔽體尚從王府官數人校尉三四十人上又泣下縉
彦曰福王與德王事必祭墓慰問宜從厚上然之林欲揖請如德
王例告廟慰問世子仍察宮眷存亡旌卹殉難諸臣下哀痛之詔收
拾人心科臣以次奏李燭曰督師出兵餘一年惟瑪瑙山報小捷恐
師老矣宜另擇一人佐之工曰督師去河南數千里安能懸制爾
輩須設身處地毋任愛憎燭曰惟難懸制故乞佐將工曰已遣朱
大典章王宸奏闖寇自四川至陳新甲曰自陝西至工曰昨總督
宣大張福臻殺夷丁雖因鼓譟逃出然在營尚多或疑而不測如何
無責成也新甲引罪又曰革左等賊立限已稍寬半月一督責未達
因命興讓及總督京營司禮太監王裕民慰福世子察宮眷及殉難

官民初發帑金十萬賑山東河南真定保定至是發三萬一千金付
裕民賚賑諸宗

唐午督師大學士楊嗣昌自四川次夷陵部下請恢復不答還荊州
遣人招其家至

辛未巡按陝西御史陳羽白言年來牧虜久虐篋運不至為說有三
曰茶道之不通從來茶商招於山陝買於川湖賣於西陲而運茶水
陸不下數千里今荒寇劫掠或茶焚而空引或引劫而空商或商引
茶資盡沒臣甫入境哀訴銷引者比日派收之不均牧規列為三
戶課馬二兒驢馬各一中戶課兒驢馬俱一下戶給兒驢不給課馬
每二年編審改造今買囑賄免上戶地連數頃馬無一匹下戶貧無

立錐領馮數匹多曰責成之不專從來中馬屬洮岷臨鞏西寧等道
七監臣若本省則閩南隴西右守巡四道四川則川北守巡安
綿安備三道湖廣則下湖南守巡二道其職銜原有茶法今道路梗
塞各置若罔聞又苑寺一卿視為閑局又何怪乎茶運之不通派收
之無法也工大是之

是月總督薊遼尚書洪承疇恐薊鎮永平漢夷雜沓令總兵白廣恩
比薊鎮曹變蛟屯豐潤俟各鎮兵出關而後行大同總兵王樸至永
平南關夷丁叛者千人永平兵追之灤州斬一級曹變蛟追之鴉峰
橋斬四十九級白廣恩追之三河東斬五十五級餘就招撫
賀一龍左金王初因張羅二賊遠竄豫皖兵四集故歸款楊卓然議

置之潛山太湖賊借款以緩師公行肆掠及聞襄洛陷乘機復熾詔
朱大典進總督節制諸鎮兵進英霍以討之

三月丙子朔督師大學士楊嗣昌自經二月晦即嗣昌生日宴沙市徐

吏部園中忽左良玉檄至曰待明日啟又尋閱之乃責視師玩寇貽
患蓋良玉前欲急擊張獻忠也嗣昌屢檄不悅自受事來連共郡二
州三縣十九又陷親王二度必不免翊旦自經監軍僉事楊卓然以
疾聞嗣昌字子微武陵人萬曆庚戌進士授杭州教授轉南京國子
博士戶部主事員外郎歷郎中崇禎戊辰進河南按察司副使布政
司叅政辛未進監軍閩內道按察使壬申四月進右僉都御史巡撫
山海永平甲戌九月進兵部右侍郎總督宣大乙亥十月憂去丙子

十月奪情起兵部尚書舉朝爭之成寅六月拜禮部尚書兼東閣大學士仍領兵部七月叙陝西三鎮功廕錦衣衛百戶十二月邊警鐫級視事己卯三月奪秩冠帶視事四月終輟部事六月叙功復原秩初議練兵十餘萬於各鎮用以平胡特加練餉使浮於遠餉之數至是八月兼兵部尚書督師剿寇八省賜尚方劍即撥遼餉充費餉足而民怨已極唐辰叙捷加太子少保既沒下上終心憐之有言其服毒死者輒譴壬午三月叙甘州捷贈太子太保

談遷曰武陵小有才辨偶當上意權兼將相受服而出弋甲如林蹴張獻忠於瑪瑙山中謂寇在吾目游魂懸刻孰知潛影蔓延一發而莫之禦哉干戈之隄潰於蟻穴事無可忽也或以蜀撫邵

捷春踈防致之然寇難以來未嘗陷藩封傾重鎮也今河南襄陽勢或滔天而猶追於司敗之律武陵亦厚幸矣哉

丙戌張克儉為右僉都御史巡撫河南

前巡撫寧夏右副都御史焦馨卒

丁亥方拱乾為左春坊左諭德兼翰林院侍讀朱統鈺楊光先胡世

安徐汧為右春坊右諭德兼翰林院侍讀學士

先是巡按御史陝西謝秉謙貪黷左都御史鍾介糾之逮於家自華

亭道濟南會城陷不知所終至是命覈秉謙實跡

蔡弘毅王政為署都督僉事總兵官鎮守浙江廣東

戊子吏部尚書李日宣覆奏久任責成謂贍狗鑄二級

己丑魯王以派捐金募兵于山東以防盜

辛卯逮巡撫河南右僉都御史李仙風

兵部尚書陳新甲

壬辰以大光明殿隘來歲祈穀仍大享殿

李自成陷歸德商立知縣梁以樟逃至淮

甲午戶科給事中左懋第劾故督師楊嗣昌受事以來虛恢欺飾所

至以精兵自衛在楚則徵蜀之精兵自衛而張獻忠得入川在川則

盡楚豫之精兵自衛而李自成得陷維寧使藩封地而身獨存社稷

危而身獨安嗣昌之心尚可問哉

巡按河南御史高名衡為右僉都御史巡撫河南

丙申總督洪承疇總兵曹變蛟白廣恩及吳三桂王廷臣等至寧遠

承疇至松山視我兵將寡不足禦乃調宣府大同總兵王樸楊國柱

薊鎮總兵唐通榆林總兵馬科抽練兵共七萬建

入犯

丁酉博平侯郭振明益歲祿詹錦衣衛指揮僉事進郭起龍少保夔

龍太子太師游龍都督同知可登右都督

庚子總督陝西三邊鄭崇儉下獄

辛丑逮撫治鄖陽右僉都御史袁繼咸奪巡撫湖廣右僉都御史宋

一鶴官戴罪視事

祖大壽合諸軍擊建 於錦州斬三十六級明日再戰建 退

癸卯起傅淑訓工部右侍郎仍兼都察院右都御史王永祚為右僉
都御史提督軍務兼撫治鄖陽張瑋為光祿寺卿

建大回店山仍困錦州

乙巳少詹事丘瑜襄陽敗壞令收拾之宜恤難宗擇使才歸上是之
是春招安內丘西山餘寇

派寇攻寧津三日破之殺知縣太原朱敏汗光祿寺卿魏持衡

四月丙午朔起虎崇雅太常寺卿

立故都督劉綎祠

都督同知牛成虎仍總兵官鎮守臨洮

庚戌工科給事中李如璧追論故督師楊嗣昌之失

大學士魏照乘上章字訛奪俸三月

辛亥浙江金衢道

請寬南北災民練餉報聞

刑部主事雷演祚論故督師楊嗣昌六罪可斬曰失封藩陷郡縣曰

參撫臣以追責曰華嚴經滅蝗誦咒消賊曰張獻忠入川單袴縱逃

曰賄題監軍曰交結朋黨章上不報

辛亥官軍再擊建

壬子蠲安慶崇禎十年以上逋租以後半之

官軍力竭回寧遠錦州東關副總兵那木氣都司桑永順故胡人遂

叛降建 東關陷建 益攻錦州掘塹壘墻為久困計祖大壽力拒

四月餘時巷戰復東關洪承疇進至松杏
癸丑御史金蘭為應天府丞
司禮太監崔璘有罪免

乙卯通政司使徐石麒以前鎮江知府印司奇訐奏推官雷起劍及
前巡撫應天張國維兵道曾化龍事久不結命即勘

戊午劉充祚以為事官赴行營
張獻忠攻應山縣知縣章日輝擊却之遂掠隨州

辛酉命朝臣定楊嗣昌罪

癸亥兵科都給事中張縉彥言科貢選法曰單選嘉靖十三年朱隆
禧選授兵科周洪範授御史俱獨選單題今行撫按察糧完欠完則

刻期開復起送曰減俸內地有城守軍功經薦宜減年與甲科同日
擢教職科貢出身半淪教職 成祖嘗曰教官果稱師範陞六科理

事令貢士三薦以上歲貢兩歲以上如縣官行取曰廷試選用貢生
年深再坐監始選有司多棄老且廷試次日通候過堂擇壯年授以
民社曰巡方曰薦舉曰京職改授章下所司

甲子進丁啟睿督師兵部尚書賜尚方劍節制陝西河南四川湖廣
鳳陽應天安慶仍兼督陝西三邊軍務蓋陳新甲薦之也

乙丑諭吏部凡知縣推官賦完始考選否且還任仍及科貢
戊辰張忻為光祿寺少卿

己巳許鄉試副榜部試授官同科甲考選

庚午前大學士錢象坤卒象坤字弘載浙江山陰人萬曆辛丑進士
選庶吉士授中書禮部尚書崇禎己巳十二月兼東閣大學士庚
午七月進太子太保戶部尚書文淵閣大學士十一月叙實錄進武
英殿辛未六月致仕
張獻忠羅汝才合兵陷隨州殺知州秀水徐世淳合家被殺屠其民
逐血成滄後贈太僕寺少卿立祠
官軍擊建寧斬三十九級以水師奪朝鮮餉道俘其臣李舜男等二
百餘人命副總兵王武緯等歸之時我遺書孔有德耿仲明尚可喜
等以間之不入
辛未命刑部刪正律例進覽

進外戚袁祐太子少保袁瑞龍錦衣指揮使

癸酉臨淮侯李弘濟卒於東昌

甲戌成國公朱純臣新樂侯劉文炳禮部尚書林欲楫擇形家勘應
天鳳泗山陵禁近地開採林欲楫薦浙江提學副使王應華同往先

是有以近陵斷山伐木訐告者故有是命

是月召前大學士周延儒張至發賀逢聖入朝先是丹陽監生賀順

醵金都門虞城侯氏首捐三千金餘各互輸約十萬緡以賄太監曹

化淳王之心王裕民等命少侯之又踰年更醵如前之半果再召

開封大疫

五月乙亥朔錦衣衛左都督孫光先進太子太師

正朔人龍敗賊于靈寶山中
崇明盜顧榮犯太倉尋遁

命淮安徐州天津諸鎮總兵劉良佐楊御蕃張汝行護漕防河

丙子巡按山西御史李蔚三請止納貢杜倖開不允

丁丑土司岑兆祚上司儂爭界許奏各下撫按諭解

諸軍擊敗之潛棄牲畜宵遁

戊寅諭祭楊嗣昌一壇閱其畫瘁也

己卯南京國子祭酒許士彙降尚寶司丞

庚辰大學士范復粹致仕

左重光改贈光祿寺卿廕外衛正千戶加一級

寇陷泌陽始賊獲左兵旂幟令盜襲以入泌陽遂陷

辛巳傅宗龍降為擄官赴督師行營督理軍務亦陳新甲薦之也

起朱世守左遷南京鴻臚寺卿

張獻忠羅汝才合攻南陽冒雨穴城知府顏日愉指揮王汝寧力拒

之賊退日愉功瘁尋卒日愉工虞人萬曆癸卯貢士

壬午黃錦為南京禮部尚書典選外官

南京守備南和伯方一元與安遠侯柳祚昌迎詔爭叙次祚昌曰我

侯也一元曰奉勅守備當我先御史唐兆恒以聞禮部謂朝儀序爵

至職掌權屬簡命自宜先守備

前吏部尚書李長庚卒

詹事兼翰林院侍讀學士錢受益卒

陳

甲申通政司叅議蕭譽以會典通政使有闕通叅資深者題補又通

政司官一體陞擢母得偏仰今職辛勤五載啟事無間似非銓政之

手通使政徐石麒代奏章下吏部

巡按陝西御史陳羽白以歲荒求各監免解京馬二百三十匹不允

丙戌房可壯為光祿寺卿

總督河道張國維改兵部右侍郎提督徐通臨清天津漕餉以東寇

熾故也

庚寅南京少詹事華琪芳罷言官論其脩要典媚璫也

壬辰召兵部尚書陳新甲於中極殿時祖大壽圍於錦州五閱月建

女填濠掘塹聲援斷絕有曰卒間出云城粟足支半年第之薪傳大

壽語直軍營偏之母輕戰總督洪承疇集兵數萬待援未決 上憂

之間新甲計出新甲求退與閣臣及侍郎吳姓總督傅宗龍酌議

請遣祠官而商於承疇有十可憂十可議新甲皇江察報從之遂命

職仿節帥張若麒往

武進士貴池吳遵周言翰林推巡撫恐暗或事特旨削籍

甲午起雷躍龍禮部右侍郎署詹事府事降閃仲儼左春坊左贊善

兼翰林院簡討

博保龍部右侍郎兼右倉都御史仍充為事官總督陝西三邊

軍務

丁酉總兵劉良佐簡銳自義門追擊五計埋賊逸深林浪佐以輕兵

追討賊扼險官軍以火砲擊之賊大奔自義門至界溝二百里屍伏

滿野時中以數百騎宵遁北走河南所獲兵械山積泰安土寇十

餘萬掠兗州所至淫燹聞青州兵至遂焚沂州城南郭至沙溝屠僂

嬰釋不遺

戊戌錦衣衛都督郭承吳進太子少傅

官軍擊建

己亥薛國觀候訊至京奏辦不聽

庚子吐寇犯徐州焚北關其掠南沙河店者燬漕舟十六艘復入東

平州圍豐縣徐州賊合之攻益急陳平賊首李青山屯于梁山

辛丑前巡撫湖廣右倉都御史方孔炤同妻戍邊

壬寅前禮部尚書黃汝振授太子太保

癸卯

是月寇陷信陽

六月己巳朔太山盜萬人窺兗州禦卻之

丁未沈惟炳為左通政

己酉兵部右侍郎添設李棲鳳卒

庚子

辛丑

壬寅

癸卯

庚戌刑部右侍郎錢士晉卒
賀一龍左金生陷松英山朱大典駐師壽州會軍進剿賊聞合屯
丙辰張宸極為右通政

戶部請設漕運總督命議之

乙卯劉廣生為南京刑部尚書史可法為戶部右侍郎兼右僉都御
史總督漕運兼巡撫淮揚鳳泗惠世揚為刑部左侍郎徐曜為都察
院左僉都御史

官兵戰松山石門皆有斬級建人雖未退其鋒稍挫兵部尚書陳新
甲屢陳敵情欲出兵塔山趨大勝堡攻敵營之西北出兵杏山抄錦

昌攻其北出兵松山渡小凌河攻其東又正兵出松山攻其南命下
行營議之雖一鎮兵僅白廣恩馬科吳三桂敢戰餘可合力若分三
將於三路慮眾寡不敵若五將佐之誰為軍鋒兵分勢弱洪承疇請
且戰且守略曰久持松杏轉運錦守頗堅未易撼動若敵再越今秋
不但敵窮即朝鮮亦窮矣此可守而後可戰之策也今本兵議戰安
敢遷延但恐轉輸為艱鞭長莫及國體攸關不若稍待使彼自困之
為得也

是之而新甲執前議職方郎中張若麒噪率喜事見小
勝謂圍可立解上密奏命留關外料理新甲東承疇曰近接三協之
報云敵又欲入犯果爾則內外受困勢莫可支若臺出關用師年餘
費餉數十萬而錦未圍解內地又困斯時若臺不進山海則三協虛

單若往遼西則甯山空返何以副聖明而謝朝中文武諸人之望乎
主憂臣辱台臺諒亦清夜有所不安者永疇既激又奉密勅刻期進
兵新甲薦前綏德知縣馮繼愉為兵部職方主簿出關督畫若麒紹
愉並謂我兵可戰遂不用永疇持久之策
辛酉巡按陝西御史陳翔白奏自漢中至徽州惟白水江為咽喉自
徽至鞏昌府惟秦州三十里為通冲孔道其三十里店移秦州守備
駐札若白水江置口舊設守備兵八十人今棄信地且還戍兵二百
人馬二十匹至略陽上至徽州護送官茶沿途荒濶酌築房舍十餘
區寓茶從之
乙丑故都督杜松子崇整

命法司定薛國觀罪

丁卯在繫故刑部右侍郎蔡奕琛言去夏六月同邑諸生倪襄贊於
復社盟主庶吉士張溥之門歸見知縣丁煌誇溥大功可立致人禍
福因言及臣旦暮有禍煌怪之舉以相告尚謂諸生妄談未幾而王
陞考証臣矣一理居庶常立復社樹黨招權豈不異哉有旨令丁煌
指奏

壬申羅大任為國子司業

總督漕運朱大典請專徵本色可濟兵便民從之其麥折米並不許
癸酉兩京山東河南浙江旱蝗多饑盜

是月張獻忠李自成不相下羅汝才亦忤獻忠獻忠奔鄖西自成汝才亦兵至東南與勸勸本身何處汝才亦兵至東南與勸勸本身何處

七月乙亥朔吳太冲為南京國子司業
戊寅臨清運河涸
己卯張獻忠圍鄖陽官軍禦之多殺傷乃遁

庚辰清南京吏部京察愆期尚書徐國鼎吏科給事中孫勳令下道
御史葉樹聲言道梗

賀一龍陷潛山遂圍麻城督師丁啟濬大敗之斬七千二百級解圍
遁

甲申蠲霍丘逋租

丙戌登^上御經筵以錦州事問兵部怪近日無報且曰此一舉也解
圍固為勝着但兵未離險甚為憂之

新樂侯劉繼祖母徐氏夢^孝純皇太后勸^山仍法膳以奏之蓋

上嘗蔬食

傅淑訓為都察院右都御史行戶部右侍郎等催餉

巡漕御史吳邦臣稽運逮之

丁亥召賜正一嗣教大真人張應京於會極閑

辛卯鄖兵與張獻忠戰敗績獻忠遂陷鄖西斷鄖兵一手縱歸以辱

官軍

甲午錢元愨為太僕寺少卿

追封皇幼弟簡懷王慧懷王皇幼妹悼溫公主
戎戎宴行聖公孔胤直五經博士孟閻王

己亥蔡奕琛又奏庶吉士太倉張溥禮部右侍郎常熟錢謙益等
倡復社朋黨及臣命溥謙益各具奏先是無錫東林書院萬曆中三
吳士大夫林居講學及援引登用目為東林黨崇禎初吳中士人締
復社選義刊布海內科第進援引更廣
蜀襄陽通租

庚子洪承疇誓師援錦州時兵部職方主事馬紹愉來練車兵議戰
壬寅洪承疇進兵明日抵松山夜見建屯乳峰山之東傳令我兵
中夜登乳峰山之西角其勢乳峰距錦州五里俛視如几席砲石

相應又東西石門並進兵分敵勢俾腹背受攻立車營環以木城部
署略定建大駭初西虜遼人自建遁出云彼今秋不得錦州議
撤兵回因朝鮮糧盡騎相二餐步卒一餐而建苦餉少派言入犯
三協以張之本兵陳新甲信張若麒馬紹愉之言趣戰

八月甲辰朔命山東副總兵黃胤恩海運萬三千石淮揚召買八萬石
吏部言漕運總督淮工軍重臣又可法朱大典任之可法總督漕運
巡撫鳳陽大典提督鳳陽等處軍餉報可
乙巳陽和總兵楊國柱營未定敵虜之敗沒敵悞入車營礮大發斬
敵百三十級擄王子督金車及孤山牛鹿殺二十餘人李輔明代統
楊國柱兵祖大壽分步碎三道突圍三重攻穿其二隔於外援而

止張弟麒報宜告廟宣捷任臆誇詡而不顧其後也
丙午許定國為署都督僉事統兵官鎮守山西
丁未崔源之為右副都御史巡撫延綏
故巡撫四川右僉都御史邵捷春獄死
辛亥夜令錦衣衛左都督郭承吳賜故大學士薛國觀死誅中書舍
人王陞彥各籍其家國觀享家相韓城人萬曆己未進士授萊州推
官擢科給事中天啟丙寅三月遣勘練江毛文龍已三月與許
譽卿沈惟炳交訐乞終養後補科都給事中轉太常少卿都察院
左僉都御史丁丑八月進禮部左侍郎兼東閣大學士戊寅六月加
尚書己卯二月首輔六月進太子太保戶部尚書文淵閣大學士十

一月進少保改吏部尚書武英殿庚辰主禮闈六月王陞彥通賂
譴去坐贓九千餘金沒田六百畝宅一區妻子不能償棲於城隅初
國觀免官命伺其邸則陞彥至執下獄陞彥為吳昌時甥臨刑曰此
舅氏所作我若有言即累名教矣

楊士聰曰薛國觀之用烏程陰薦之故以僉憲驟登政府工嘗
與韓城言及用擅對以外則鄉紳臣等任之內則戚畹非出自獨
斷不可因以李武清為言遂密旨借四十萬金再萬二駙馬各一
萬周田等近親不與焉李氏督之日亟武清死復及其子國安追
槌家人父之國安亦死追比未已周嘉定以兒女姻上駮奉嚴旨
於是李氏盡鬻其所有內閣中書楊餘洪周國興亦李氏親也教

之曰見產既盡即不工納其如之何韓城密以聞年終舉劾兩房
官劾二人閑任有旨各廷杖六十即死是時戚畹人亦自危後因
皇五子病亟造為九蓮菩薩之言傳諭停止追比復武清侯爵念
此事由韓城發端欲誅之以謝考定在天之靈會素愷跡糾韓
城遂有成何糾章之旨朔日列款以進矣上意先定鍛鍊成獄
遂令御史郝晉勒自盡韓城將死曰吳昌時殺我其實韓城之死始
末如此非盡昌時之力也僅坐贓九千金將何以處嚴分宜韓城
之陰賊險狠死有餘辜但不正名其罪而以懸坐之贓殺之何以
服人刑政之不平無甚於此矣
談遷曰陰賊險狠罪莫如烏程而韓城遠未之逮獨以疎枝之性

岸然自是取忌含沙無端一工曹躡進見沮株及政府易曰馮折
足覆公餗其刑渥韓城固自貽伊戚而國家心膂之任於焉盡喪
識者未嘗不為之三歎也

傅鍾秀為太僕寺少卿

建武攻乳峰山西營禦卻之斬六級連日再攻再卻之
壬子官兵分兩路攻西石門總兵王樸戰敗各將俱沮
癸丑我戰稍捷建武自是不復出請濟師馬紹愉語洪承疇宜乘銳
出奇擊之可以壯錦毋待老嫗之至承疇不納而長嶺山自塔山迤
遷至錦州延松山城之右大同監軍張斗言宜駐一軍於長嶺
山防其抄我後承疇亦不納且曰我十二年老督師若書生何知

丙辰申應第為平羌將軍都督同知總兵官鎮守甘肅書

前巡撫甘肅右僉都御史梅之煥卒

丁巳官軍戰東西石門不利

庚申再戰斬十三級

辛酉工部大學以重脩成也

雍正嗣教次真入張應京請扈從臨

雍先期同禮太監王德化奉命率群臣習儀太學前此未有也與唐

魚朝恩講經元李邦寧釋奠何異

恭順侯吳維英總督京營

建 喝 以三千騎來援午刻據長嶺山聲言困松山城我逆其詐

不動自錦至南海角度地高下建濬溝堞上指相間濠深小尺廣丈

餘凡濠三重我師及困於內

壬戌官軍連戰三日俱利

甲子合戰我兵擐其大旂三斬九級喝

師我故將孔有德等輩止之

兵部職方郎中張若麒加太僕寺少卿

乙丑諭禮部宋儒周子兩程子朱子張子邵子有功聖門與周秦漢

唐諸子並稱先儒朕心未安其議之

許江北麥代田租

錦衣衛左都督孫光先進少保

起劉澤清右都督總兵官鎮守山東

山東

喝計必困松山城分我兵力山既掘濠築垣攻松山斷我餉道蓋
乳峰在錦城外而松山又乳峰外也我餉乏洪承疇謂其下曰敵兵
新舊通為攻守我兵既出亦利速戰當各勅屬本部力鬪余身執桴
鼓以從事解圍盡在一舉而諸將議回寧遠就餉募薄兵部職方郎
中張若麒與承疇書曰我兵連勝今日再鼓亦不為難但松山之糧
不足三日且敵不但困錦又復困松山各帥既有回寧遠支糧再戰
之議似屬可允於是諸將議不一或明日戰或今夕戰或圖再舉承
疇曰往時諸君俱矢報効今正其會雖糧盡被圍宜明日告吏卒守
亦死不戰亦死若戰或可幸萬一不肯決意孤注明日望諸君孤注
悉力方送諸將出總兵王樸怯甚已先遁於是各帥爭馳馬步自相

廿二

蹂踐弓甲遍野望火先謂敵在不之前走還為伏甲所截大潰總兵
曹變蛟王廷臣突入松山巡撫遼東丘民仰誓與承疇同守承疇夜
留兵三之一嬰城其二決圍衝陣建邀之尖山石灰窰我力戰建
暫卻俄雲合不得入城移屯海岫盡沒於潮才脫二百餘人獨白
廣恩還松山若麒紹愉得渙舟偕諸監軍逃至寧遠奏承疇失計冀
自免也承疇令廣恩同都司雷起鰲議東走小凌河襲建老營走
國王碑歷錦昌大勝間自此虜後進小紅羅山請兵解圍是役也輕
進頓師進不能突圍退不能善後形見勢詘彼全制我重臣宿將選
卒驍騎十萬之衆覆沒殆盡則張若麒一人誤之也或曰兩軍隔
一山而陣方交鋒官兵銳甚建亦力禦喝急撤後隊間道突我

後我稍亂遂大潰
平談遷曰蜀人陳盟記建
事云絕松餉道營南山唐莊為困松計
我兵方盛或請以精銳決戰而出奇夾擊
松山可以得志否且退保杏山杏山去松僅一舍徐圖制勝彼必走洪皆不能用
職方郎中張瑒以督戰至與洪不協言無得入洪以松小不能
預多兵乃令各帥回杏山就食其說蓋出鄉人馮紹愉歸獄總督
非確案也大敵在前豈有退師就餉之理曹彬敗於岐溝宋太宗
尤之正以此洪總督有激而出且乘其待援曹銳突圍否則必屯
長嶺山接我餉道計之次也噫相遠難以來懸師東指決十萬之
衆於一戰惟楊鎬與洪氏鎬分兵而敗洪氏合之亦敗其共並也

然乳峰之役駸有勝勢相持浹旬重圍未解先發者制人後發
者制於人語不虛耳時宜與再召故帥杜弘域就謁曰相公入朝
願首以松山為急國家安危繫焉舍此無可措手矣宜與視之
如也九塞之精銳中國之糧芻盡付一擲竟莫能續禦而廟社以
墟矣思之思之陳新甲張若麒輩其肉豈足食乎
已已巡按陝西御史陳羽的工籌收一策曰有地無軍合七監牧丁
額一萬六千一百有奇今不上三千若行原籍勾補將三五年未得
終事乞將招撫餘民能自買騾馬一匹許即承牧地三頃給紹永
曰有軍無馬審有力者買騾馬一來歲課駒稍力者兩軍共買一候
課駒多養無力者兩軍共買一官貼其三分之一曰有馬無駒請月

稽之或前月定次月定再次月定監官登冊扣某月應生至期稽核
無則追補為季報曰群內混養舊例群五馬騾馬四見馬一令群內
騾馬斃不買補輒養驢馬於孳生何裨也今不許混養驢馬曰換賣
倒斃曰種馬無資七監每騾馬領地歲科銀六錢合七監共二千一
百七十一金五錢七分供請虜兵餉今無種馬或權留兩年之解使
本軍貼買曰京例年例七監歲京馬五百匹蒙免二百七十七匹尚解
京馬二百三十一匹宜稍寬此二例曰策應不等安定廣寧開城黑水
皆西屬固原萬安清平武安皆東屬平涼各有叅將等營可以策應
有旨種馬無資關額餉京例年例關解額俱不得輕議餘從之羽白
又奏臣閱安定監舊報馬五百五十一匹今存四百二十二匹廣寧監

七二

止

舊馬六百四十一匹今存二百八十一匹武安監舊馬四十八匹今二
十二匹清平監舊馬二百七十四匹今十一匹萬安監舊馬四百四
十一匹今馬四黑水監舊馬七百五十二匹今七匹開城監舊馬一
千九十三匹今二十六匹四監之馬不上五十五匹詰之非曰寇掠則
曰餓斃非曰監城不保則曰牧軍併盡察清平兩經寇陷監正游之
雲饑死餘官乞分別嚴處

九月甲戌朔

戊寅總督陝西兵部右侍郎傅宗龍率兵四萬自新蔡渡河與保定
總督楊文岳合兵趨項城是日李自成亦渡河走汝寧伏於孟冢莊
已卯官軍遇之大敗總兵賀人龍虎大威北奔李國奇從之賊攻二

督營以火礮却之保定兵甯潰文岳夜奔項城宗龍固壘力守
庚辰傳宗龍檄賀人龍李國奇還救不應遂奔陳州被圍僅部卒六
千乏食殺馬騾以享軍復盡乃殺賊屍多啖之
辛巳改東廠銜稱提督京營稱總督
癸未命福世子由崧還河南

甲申楊繩武為兵部右侍郎兼右僉都御史總督關前遼津通等處
軍務以洪承疇受圍故代之

劉宗周改吏部左侍郎高斗光為兵部右侍郎添設
大學士周延儒賀逢聖入朝仍直文淵閣

丁亥夜月食

辛卯總督陝西三邊軍務兵部右侍郎傅宗龍出戰先川兵臨陣慮
步不能禦騎令移於陣後陣亂李自成乘之我大潰

壬辰宗龍走項城被執罵賊死之遂陷項城屠之兵屠商水扶溝
宗龍字仲綸雲南昆明人萬曆庚戌進士詔復兵部尚書

皇子慈炯封定王

丙申前南京光祿寺少卿錢三策上三疏一奏前兵部侍郎吳光義
一奏前通政李一鵬一奏徐石麒石麒敢之以聞

是月諭吏部曰邊患方殷軍儲告亟司農仰屋無措官胥浸沒公行
而釀弊最深侵剋最甚者無如權閹各閹舊有額稅近以遠剿等餉

少有增加擬取盈於羨餘非苛求於商旅乃按官奸胥濫科充囊假
公潤私朝廷常加課之虛名司閹享侵牟之厚利賈販因而果足儲
會益復空虛蠹國病商良可痛恨以後各關差關南北工戶二部不
必拘定司屬循例差委着兩京大小九卿翰林科道及在外督撫巡
按各舉至清之官在京如各衙門司屬中行評博等在外如監司府
佐推知等但繫行已端潔清曠無染之人聽其保舉授以權差釐奸
剔弊年滿所入不限舊額分文登簿解部充餉立與超擢清華仍破
格叙錄以儲銓憲之用保舉官一體加陞如仍橫征苛歛徒侵羨贏
或仍飽私橐各撫按訪實跡叅保舉官連坐除臨清河西始舊差委
俟盜平另議外其北新許聖蓋湖九江荆杭等差過關即另舉擬用

仍暫帶部銜并受部考成

左良王大敗張獻忠於信陽得馬萬餘匹降數萬人獻忠僅百餘人
易服夜遁佯死匿山中良王軍聲大振羅汝才走浙川以合于李自
成時自成兵五十萬故汝才附之
戊戌李自成羅汝才合兵破葉縣殺守將劉國能初國能與自成汝
才盟而盜國能降恨之至是乘勝拔城責負約殺之贈左都督國能
性至孝就撫乃奉其母命也
十月癸卯朔改陸朗李維樾熊汝霖陳泰來韓如愈高翔漢李士焜戶
工科給事中催漕徐殿臣左光先金鉉峒李仲熊王鼎鎮高允茲馬
孔健鄭崑貞李悅心劉之渤衛栢國朱奉鉅陳蓋楊仁愿霍達潘世

奇為試監察御史
丙午日食
壬子葉廷桂為兵部右侍郎兼右僉都御史巡撫遼東寧錦
丙辰吏科給事中沈迅言起廢諸臣除逆案封疆贖罪計典外從來
廢籍宜清察臚列悉聽上裁從之
戊午山西道御史鄭崑貞言自建
之策當事閣於此未幾而建
果圍錦州矣其圍錦也深溝以困之
蓋誘我之兵萃於此別有啟疆之謀欲解錦圍須俟其相持稍懈漸
出奇計以驅之豈有統全軍而注之孤危之地首尾全無顧應隨其
術中如今日者昨樞臣會議云寧遠見兵三萬撫鎮皆得人夫兵三

廿九

卅

萬非不衆也今圍城析骸之餘望救中國即長圍未解建亦未敢
突而窺寧遠是張救錦之聲勢正是為守寧之實着若撫鎮擁此三
萬人不敢越寧城一步萬一建以困錦者反而困寧則區、寧遠

其不足為開門之蔽明矣

張獻忠收餘盜數千走鄖陽驟過官軍不戰而潰棄馬騾二千獻忠

負創部曲日逃僅隨數百人
戊辰特設裕國足民科奇謀異勇科訪求微辟稱朕破格房求之意
談遷曰漢文帝好黃老而民安武帝好制作而民困在人主寬簡

不在破格立法也先帝時稱法祖於累朝條例紛更已極而不
得其源事多繁苛民多愁怨旱疫饑饉無歲不徧戶絕生望亡形
已肇而猶焦神極慮覲倖異材不亦憊乎

是月秦安土寇田得茂等數千人轉攻濟陽等縣巡撫山東右都御史王公弼絕不為意貽書都下云境內了無一賊復遣太監盧九德劉元斌率京營兵入河南九德與總兵周遇吉黃得功合追賊於鳳陽及之元斌駐歸德南四十日不進城門晝閉縱諸軍大掠殺推汲冒功已而欲攻城索賂乃免張獻忠掠桐城糾馬守應賀一龍左金王諸賊自霍山復出左良玉兵至臨穎民為賊守良玉屠之盡獲賊所掠李自成怒來攻良玉退保郟城

十一月癸酉朔提督太和山內官監陰象坤毆均州諸生蔣懋孚下獄死巡撫宋一鶴聞上責提學僉事高世泰世泰引咎且奏象坤

初至謁太廟倣按臣禮坐明倫堂講書士林哂之因構讐命下巡按御史彼內臣謁廟講書果故事否

甲戌命禮部上定王出閣儀注

余城為南京兵部尚書范志完為右僉都御史巡撫陝西

丙子李自成陷南陽弑唐王於麒麟閣分守道叅議艾毓初總

兵劉光祚南陽知縣姚運熙死之初牛金星薦術士宋獻策于李自成封軍師獻策永城人言十八孩兒當主神器必先取南陽為入秦計遂圍之艾毓初與劉光祚竭力拒賊食盡援絕毓初題於城樓有萇弘化碧非奇事留取孤忠向九天之句遂自縊光祚過宮于城上

初寇已入南門通總督楊文岳兵至遂出垣之文岳去南陽仍陷太
監劉元斌聞之乃擁婦女北去俄命御史清軍元斌倉皇潛沉之於
河自成妄意窺鼎下令召四方賊目連營馬盡忠不從降于左良玉
張獻忠知將不利于身由楚入蜀羅汝才從之合圍汴梁以天下之
中圖大事者所必爭也
已卯禁朝臣私探內閣通中貴於是待漏俱露立母敢入直舍
楊士聰曰兩闕及承天門端門慈恩之地皆不得入其實交結內
侍不在此也此等中官有何可結彼密邇與援在不見不聞有以
千百計者孰從而致詰乎
辛巳南京都察院右都御史張廷登卒廷登字華東鄒平人萬曆

進士

癸未進周延儒少師兼太子太師中極殿大學士詹中書舍人

乙酉 李三奇贈光祿寺少卿

戊子兵部左侍郎吳姓巡視京營戎政宋汝為工部右侍郎梁雲構

為順天府丞

傅陞馮元颺為右僉都御史提督軍務巡撫天津

兵科給事中范士髦請有司九年陞轉母更調下部議

辛卯工南郊

是月豐城侯李開先言賦役全書設而往所拖欠何也浙直之弊半
在奸胥閭百姓則年納一年少多毫猶加鞭撻奸胥侵染任其影染

重累百姓一過故除則百姓不盡奸胥飽腹雖計部參罰司牧降謫猶不能窮蓋頭緒多端條鞭外有連餉遠餉外有練餉至各省脩城寘器並無他出亦不過派之田畝一限不寬二限繼之行吏書借為生涯差役因之營活地畝之出幾何終歲勤動且不足以完賦而竟竭力以供君輩貧民不妄其身而富民咸怨其產矣

遼東大雪文餘建糧芻俱盡將解圍而歸慮我躡之俾西虜入闕求和兵部尚書陳新甲信張若麒之言許之

十二月壬寅朔癸卯許潛山宿遷太湖各縣輸麥代漕米懷安桐城望

江亦如之准十之六

乙巳上閏寒許刑部囚保外限二月出獄

李自成陷襄城執知縣曹思正邑人

知府姚成性以去守將李

萬慶死之至許州殺教諭馮

張

前刑部尚書甄淑卒於獄

丁未南京戶部右侍郎兼都察院右僉都御史楊方盛罷

庚戌張三謨為大理寺卿張瑋為都察院左僉都御史張鏡心劉餘

祐為兵部左右侍郎王正志為太僕寺卿王家彥為大理寺左少卿

雷躍龍為吏部右侍郎兼翰林院侍讀學士

李自成連陷蒲州許州長葛通許鄆陵鄆陵知縣慈谿劉振之力誅衣冠

入縣治北向再拜自引刃死典史杜邦舉被殺振之字南強崇禎庚

午貢士由東陽教諭陞贈太僕寺少卿詹子入太學

丁巳土寇陷張秋鎮通判咸寧馬元善遁其寇故總兵劉澤清降盜也

庚申山東總兵官劉澤清大破李青山於石萊山

癸亥傅淑訓為戶部尚書馮元飈為兵部左侍郎添設巡撫山永朱國棟以兵部右侍郎改鎮昌平范志完為兵部右侍郎兼右僉都御史總督薊閩通津軍務熊奮渭為南京戶部右侍郎兼右僉都御史總督糧儲

甲子黃道周成辰州衛解學龍徐仲吉成

初刑部尚書劉澤

深擬道周瘴戍再不允因奏道周之罪前兩罪已嚴矣至此惟有死生之際臣不敢不慎也自來論死諸臣非封疆則貪酷未有以諫

言誅者今以此道加周道周無封疆貪酷之失而有諫言蒙僂之名道周得矣非我皇上無不覆無不載之全體也且皇上所疑者

黨耳黨者見諸行事相聚訟言乃為植黨道周自上跡空言無當睿矧一臨肝膽寒裂如某等始不嘗不相與今且之短之道周亦不較焉有所謂黨而煩之聖明之震怒朝廷之大法耶去年行刑時忽傳旨停免今皇上豈有積恨於道周萬一轉圜動念而臣已論定噬臍何及所以當此生死之間不敢不慎亦惟恩威出自皇上仍以原擬候裁從之

乙丑御史葛徵奇為太僕寺少卿轄東路孫晉為大理寺右寺丞戊辰董象恒為右僉都御史巡撫浙江蔡懋德為右僉都御史巡撫

山西徐世蔭為右僉都御史協理剿寇軍務巡撫安慶
諭停內操提督忠勇營太監楊進朝所部三千人值大祀仍防護
李自成羅汝才合攻開封七日夜巡撫高名銜總兵陳永福等力守
永福射中自成損一目自成叱朱仙鎮去開封四十里內鄉鎮平唐
縣新野各降鄧州知州劉振世郊迎五十里舉家從之許州以南無
剩土總督丁啟睿楊文岳以總兵左良玉虎大威楊德政薄朱仙鎮
良玉謂賊勢銳宜緩攻之大威等謀不合即進全軍皆潰良玉以數
騎免母妻被執開封益困寇授鄉民釜鑿令鑿城又坎城為窟實以
藥引火發之城震壞然官兵嚴守兩月不能克
己巳故總督兵部右侍郎傅宗龍贈太子少保世錦衣衛百戶

是月勅內臣神宮等監及各司局庫等毋干外政并戒廷臣曰朝廷
分職原是官府不同臣子守官豈容暗奸作弊况析圭儋爵之義宜
無私交而防微杜漸之閑尤先近侍聞 太祖高皇帝諭侍臣曰為
政必先謹內外之防絕黨與之私庶朝廷清明紀綱振肅大哉聖謨
最為弘遠朕欽承祖訓不敢愆忘日望群臣率由此道無奈世風日
降士氣遂靡雖奉公守法者固多而行險徼倖亦有嫵媚交權勢權
嫗就為阿大夫之借譽左右掃門有路可通無脛而走窺探洩漏視
為固然以後內外大小諸臣如再蹈前轍憲典具在朕不敢私
群狼入內丘城食人人饑食草實

壬午崇禎十五年

正月辛未朔。上朝畢，諭大學士周延儒賀逢聖，謝陞入殿，曰：「古聖帝明王皆崇師道，今日講猶稱先生，即其意卿等即朕之師也。今而調和燮理，奠安宗社，萬惟諸先生是賴。命東向立，上降座西向揖之。各媿謝。」先是遼東寧前道副使石鳳臺偵建，意和馳書諭其守將得報，建幸甚云：「本慙素心也。」鳳臺遽以聞，上以私遣辱國，下鳳臺刑部獄。至是謝陞語同列曰：「我力竭矣，款建以剿寇，鳳臺言良是同列，亦然之。乃屬兵部尚書陳新甲微言於上，又約謂兩城久困，兵不足援，非用間不可。」上曰：「城圍且半載，一耗不達，何間之乘可款則款，不妨便宜行事。」上問閣臣惟謝陞曰：「彼果許款，亦可特新甲承。」

旨退薦督畫主事馬紹愉可遣從之，加紹愉職方郎中，賜二品服。上深秘之外廷不知也。

乙亥 上南郊省牲

丙子 享太廟

山東盜平，俘李青山入京。青山本屠人，乘饑嘯聚數萬人，屢寇兗州。給事中范淑泰、左長史俞起蛟拒之，戰敗逃山谷中，跡捕之。

丁丑 兵部職方郎中馬紹愉偕參將李御蘭、周維塘馳寧遠，通於建。建請勅為信，乃復請於朝。諭兵部得勅曰：「聞瀋陽有罷兵息民美意向來，沿邊督撫未經奏聞。又云朕不難開誠懷逆，還我祖宗朝恩義聯絡之舊約，撫賞減舊額四十七萬，唱見之謂歷朝勅書。」

在屬國皆龍邊箋黃色而此箋色采中橫一龍且往時璽方其篆勅
命之寶而今皇帝之寶稍長右角微狹一綫遂具書謂邊吏偽作并
怒勅中語馮紹愉以聞
談遷曰石鳳臺講欵蓋逢本兵意雖自干大戾而在邊臣私遣則
謂道襄樊之事也邊辱天使降明詔他無委曲高斯輩而
不其然况松山失利之後更取其侮陳新甲謀國以尸居餘氣其
何振之有

庚辰 工祈穀大享殿

辛巳李自成復圍開封鑿城磚取數十可容酒缶即注之火藥一烘
而放曰小放遂窟城縱橫及丈運火藥實之一發蔽天曰大放大放

放時列精騎數千以俟冀城破擁入而開封城宋人所築也寬十丈
狹三四丈土堅而剛寇之窟城也磚土堆於外內堅外浮火藥發反
向外擊磚土陷空數千騎馬寇駭而徙總督丁啟睿率總兵左良玉
擊賊朱仙鎮與賊將劉宗敏李過力戰大敗之自成聞之拔營南去
寇陷潛山殺知縣李胤嘉

壬午起鄭三俊刑部尚書進太子少保

寇陷巢縣

癸未巡撫大同右僉都御史劉夢桂卒

甲申貴州道御史甘惟嶸劾兵部尚書陳新甲失職乞令其舉賢自
代上以松錦需救甚急不得輕譴

平賊將軍左良玉率兵援開封寇退

督脩曆法光祿寺卿李天經壬午七月政經緯新曆

乙酉戶部請覈戶口田畝從之

丁亥間錢塘梁浮鄱陽過糶下撫按禁之

浙江江山盜起

許淮安揚州輸麥抵漕粟

己丑上籍田

姜曰廣降南京尚寶司卿

庚寅總督楊繩武自薊出師

辛卯起孫傳庭原官總督京營提兵剿寇兼理糧餉王承胤為總督

京營援剿總兵官御史郭景昌兵部職方員外郎蘓京俱監軍

道御史楊仁愿言臣讀勅諭申交結內侍之律曰稽高皇帝

初無所謂緝事衙門不法之事止於明糾無陰許也後來有東廠

神宗享國四十年緝事之門鞠為茂草元氣日培士氣日張鄧隆

之業曷有過哉臣待罪南城所見詞訟多為假番妄稱東廠則魂魄

俱搖况其真者乎此由積重之勢然也如比較事件則番役即懸價

以買事件甚至誘人奸盜賣與番役則誘者獲利挾仇忿以首告而

証以惡棍則挾者逞志厥臣豈不三令五申禁之然比較事件欲其

不買事件是吹薪止沸必不得之教矣嗟乎餌人以陷禍擇人而肆

喙惟恐其不為惡又惟恐其不即罹吾網揆之皇上泣罪解網之

心豈不傷哉伏願先寬東廠事件而後比較可緩比較緩而後買事
件與賣事件亦急急抑臣復有請為如臣子獲罪皇上勅撫按以
檻車送詣闕下未為不可若緹騎一遣有背者家門破散無背者地
方官斂餽衛臣非不三令五申禁之然彼自為長途計又安能已如
使其罪可贖則留彼餘財以贖罪如不可贖則妻子衣食賴之自非
劇惡聖明亦豈忍籍沒哉得旨諭東廠止緝謀逆亂倫等其作奸犯
科自有同存不必概捕
壬辰張宸極為順天府丞吳家周為光祿寺丞
罷提督京營內臣
乙未斬黃賊為禁兵截殺走合李自成盜魁賀一龍馬守應賀錦劉

希堯蘭養成並屬之惟一龍守應各領所部聽令而願於羅汝才厚
自成忌之

丙申總督閔勳遼津兵部右侍郎兼右僉都御史楊繩武卒於豐潤
戊戌吏部尚書李日宣奏起廢諸臣命自崇禎元年以來並列之
庚子蠲各省直崇禎十二年以前蠟茶等稅

臨清副總兵黃胤恩言先朝開膠萊河俱山根難施五萬之功臣今
察其功南北橫計百四十餘里潮水深入百餘里又河溪湖畔量浚
即可通潮者百里此外嶺骨不可鑿約四十里過此利涉即留茲嶺
為盤剝之地計淮揚運膠河空舟接至萊河其間通浚小河廣造小
船如通州抵壩故事於嶺上建倉駕車做古河陰洛口之運待回空

受載...
是月...
賀一龍左金王諸魁自霍山六安分道出掠...
二月辛丑朔壬寅何應瑞為南京大常寺卿...
丙午命大學士周延儒清獄...
前撫治鄖陽右僉都御史袁繼咸遣戍...
丁未楊文岳仍總督保定山東河北軍務兵部右侍郎兼右僉都御...
史戴罪自効范志完為督師兵部左侍郎兼右僉都御史總督遼東...
寧錦軍務兼巡撫遼東...
金光宸為右通政

戊申發二萬金賑山東就撫百姓

戒錦衣衛校尉奉使需擾

徐州知州紀天祐逋賦懼罪自刎

庚戌御經筵

免崇禎十二年以上贓罰豁罪從刑部左侍郎惠世揚之請

詔曰朕以涼德撫臨萬邦念切軫愛澤無下究因年來軍興繁費加

派頻仍賦愈重而民亦窮出既多而入亦倍痲瘵日甚展轉堪哀特

頒赦宥之仁自十二^年以前存留起解本折錢糧盡蠲免不許有司重

徵混派佇望廓清大定之日即為征輸盡緩之期

辛亥故...
劉若宰贈少詹事

傳陞張之奇劉世芳為翰林院簡討張國泰高來鳳改待詔劉明翰
譚易為中書舍人
壬子總督陝西三邊軍務兵部右侍郎兼督援剿汪喬年至襄城喬
年在鎮發李自成先塚得小蛇隨率總兵賀人龍鄭嘉棟等出關斬
蛇以狗誓師聞自成圍左良玉於鄆城乃無程進留步兵火器營以
輕騎萬餘抵郊縣襄城貢士張永祺避難河北回經郊縣時喬年以
襄城新破疑不進永祺請援喬年命永祺先之永祺以告邑人邑人
出迎喬年於八里營喬年捐兵城下禱於城隍廟邑人享士士立營
未定自成兵已薄汝水上方接刃賀鄭二將先逃兵大潰喬年以數
百人入城以守

王之良為南京兵部右侍郎衛景瑗李鑑為右僉都御史巡撫大同

宣府

癸丑定王出閣就學

白貽清改戶部右侍郎督理京省錢法

孫傳庭仍兵部右侍郎添設兼右僉都御史總督陝西三邊軍務張

福臻仍兵部右侍郎兼右僉都御史總督關薊通津軍務部議分兩

督福臻駐薊州范志完出閣

甲寅許嘉定上海豈麥折漕

乙卯張獻忠入亳州官吏先遁賊安行入城

丙辰故 湯開遠贈太僕寺少卿

丁巳襄城堅守五晝夜而陷總督侍郎汪喬年自刎未殊被執見殺

監軍同知孫 知縣永寧謝三元死之李自成恨諸生執百九十

餘人盡剝刑之又購張永祺永祺匿時夢黃姓救免之果一賊出之

黃姓也賊屠永祺族人九家以洩其怒又墮城而去喬年字歲星遂

安人天啟壬戌進士 崇禎初歷江西提學副使累

遷合官變聞贈兵部尚書詹錦衣衛百戶時精兵猛將俱集閩門止

留三邊疲卒以剿賊喬年以赤心遇害三秦士人私謚曰貞烈公

葉初春為大理右少卿凌義渠為南京光祿寺卿

故 呂黃鐘故山東糧道副使鄧謙並贈光祿寺卿詹子入國

子監 戊午 工南郊

已未故詹事錢受益贈禮部右侍郎故 曠鴻鸞贈工部右侍

郎故 吳南瀾贈太僕寺少卿

甲子宋之普為戶部左侍郎徐石麒為刑部右侍郎許士柔為尚寶

同少卿

乙丑朱世守為南京通政使

丙寅崇昌公 斬英請賜租 其責有司 總玩

賀一龍陷全椒

三月庚午朔故大學士錢象坤贈太保

三月庚午朔故大學士錢象坤贈太保

李自成羅汝才合群盜八十萬圍陳州兵備副使閔永傑知州侯君
擢率士民死守力竭城陷死之鄉紳崔泌之貢士王受爵咸罵賊死
賊怒屠陳州永傑隴西人辛未進士贈光祿寺卿君擢成安人辛酉
貢士贈右叅議
初逢吉為應祚尹

邱錦州陣沒戰士六金
刑科左給事中沈胤培言松江知府方岳貢治郡隴十二年真清真
執王陞彥以糧事仇詆
皇廷或召廷臣合詢岳貢如有異同臣伏
妄言之罪周馥受任於劉榮嗣固績之後脩泐河利運自九年來全
漕如期乞勅法司公勘
上是之初岳貢徵上海積逋首繩中書舍

人王陞彥結怨適薛國觀賍敗陞彥供岳貢餽薛七白金遂逮訊
前戶部尚書侯恂戶部郎中倪嘉慶成邊以周延儒清獄拘賄之萬

金

辛未張獻忠復攻舒城
癸酉進張福臻兵部尚書

申戒賜范志完尚方劍
乙亥諭法司許罪人贖戍備賑

初諭兵部舊制軍在民之前後乃罪犯充之近聞解軍多致道斃罪
減等生全之意可酌議良法

寇陷安

丙子賀一龍左金王馬守應合步騎數萬趨壽州復合獻忠于六安
表時中亦會之時中旋合于自成

丁丑大學士魏紹乘罷四川道試御史劉之勅糾之旨未下即奏辨
為御史徐殿臣所劾

命陝西總督孫傳庭總督保定楊文岳總督鳳陽史可法俱聽督師
范志完期會協剿

戊寅上御中左門召考選諸臣四十四人問禦胡寇足兵食之策
母泛襲

癸未寇掠靖江江陰殺營官陳宏
丁亥松山城陷總督尚書洪承疇降巡撫遼東右副都御史竝民仰

のの

總兵曹變蛟王廷臣副總兵江蘇饒勳等俱被執不屈死總兵祖大

壽守錦州年餘力竭城亦陷為標下降夷昇降兩城俱沒建人遂克

杏山城報廷京師大震洪承疇字福建南安人萬曆丙辰進士

授刑部主事歷員外郎、中轉浙江提學僉事戊戌進山東參議天

啟甲子進江西按察僉事丁卯進陝西右叅政崇禎己巳加按察使

唐午進右僉都御史巡撫延綏辛未進兵部右侍郎兼右僉都御史

總督陝西三邊軍務兼攝五省右都御史加兵部尚書丁丑加太子

太保己卯改總督薊遼保定辛巳欽命督師

戊子李兆為光祿寺少卿

兵部請復驛遞有旨裁驛原以恤民乃奉行不善致道梗屢作今詳

定郵符及銀還驛解部

已丑存問前太子少保禮部尚書黃汝良

庚寅沈惟炳為通政使李一鵬為南京大理寺卿林一桂為右副都

御史提督軍務巡撫南贛汀韶

辛卯房可壯為都察院左副都御史

李自成陷睢州太康遂圍歸德無兵民自為守賊穴城陷之乘

勝陷寧陵考城

已亥諭部院下撫按令司道守令各招諭民給牛種糧食俾各歸農

庚寅皇子慈炤封永王

定考選諸臣朱徽馬嘉植廖國遴楊枝起姜埰倪仁植顧銳方士亮

乙丑

王士錄翁元益光時亨金汝礪為給事中徽嘉植吏科國遴枝起戶

科埰仁植禮科銳士亮士錄兵科元益時亨刑科汝礪工科周燦劉

熙祚阮震中區聯芳蕭鳴美汪宗友嚴雲京劉達曹溶張銳徐一掄

廖惟羨李成梅李瑞和倫之楷衛周胤沈向寧承勳楊爾銘成友謙

李振聲陸清源金日新為試監察御史黃沾玄李沾為南京戶禮科

給事中王國楠陳良弼朱壽圖張希奎為南京試監察御史

趙惟岳為光祿寺卿

壬辰張鏡心為兵部尚書兼右副都御史總督關前通津軍務先是

張福臻未任

乙未李自成圍彰德朔日陷之

丙申張福臻抵鎮令張鏡心待議

已亥復高弘圖工部右侍郎

故隨州知州徐世淳贈太僕寺少卿立祠

四月庚子朔改稱宋儒六子曰先賢位七十子下漢唐諸儒之上左丘

明亦稱先賢命纂六子格言

談遷曰漢儒訓詁雖見道淺而後訂詳確經傳賴以不墜今起宋

人而躐之時有先後偽可誣也六子有知必為未安第稱先賢足

矣

辛丑張宸極為兵部右侍郎添設出鎮昌平加范志完督師總督遼

東寧錦軍務兼巡撫仍轄山海屯鹽登津水師兵部左侍郎兼右僉

都御史

禮科給事中倪仁禎言臣等初拜官例候閣臣謝陛言及兵餉時事

忽曰皇上惟自用聰明察為務天下俱壞陞位極人臣敢歸罪

天子如此吏科給事中朱徽戶科給事中廖國遴亦劾之上怒下

廷議處陞

壬寅舒城陷時無令恭將孔廷訓以兵千人調編修胡守恒率民共

守此朝廷訓降賊反攻守恒死守賊射書招之燔其書城陷死之獻

忠改為得勝州令孔廷訓攻霍山弘光初贈少詹事謚文節

癸卯党崇雅為戶部左侍郎添設兼右僉都御史總督直省糧餉分

催兌徐上下兼水陸二運王正志為戶部右侍郎添設兼右僉都御

史總督省直糧餉多催青淮正下陸運
李繼貞為兵部右侍郎添設張肯堂為大理寺右寺丞王承吉為右
僉都御史巡撫山東
周延儒議詞臣一員佐兵部從之著為令其刑工部聽便酌行
進外戚劉斌太傅劉永貞都督僉事承胤都指揮使
南京大理寺火

甲辰免四川貢扇三年

乙巳故

徐燿贈左副都御史

丙午大學士謝陞制籍

談遷曰德州巧宦詎味三緘之戒資人彈射哉蓋名位已極藉口

直諒去有餘榮二三少年曉、交喙正墮其術中耳古人有言智
而猾如德州是也
發三十萬金給閩寧之師

辛亥張忻為太常寺卿

諭科道官曰朝廷設立言官以為耳目止樂聞讜論俾助政機若緘
默不言與言而無當皆非所望甚有以言為名徼私逞臆循聲附和
爭勝把持其失職更甚於不言近時事多艱亟資忠益兼收並納朕
意甚殷乃言官不能仰體或薦舉太濫或糾擿過苛或已經處分追
論紛紜或事宜慎重哆口騰播掣任事之肘啟佞倖之端抗威福之
權失獻替之義此於朕求言圖治之本懷甚為不符昨面傳諭并着

頒示憲綱今特再諭如乖違職守定加處治

禮科給事中沈胤培言求事功之臣不若先求節義如傅宗龍已卹

而盧象升踰三歲惟蓋未沾汪喬年忠魂莫調事詞典異何以使諸

臣不為巧避也楊嗣昌死有餘僇借久案邀功陳新甲冒罪不遑修

邊勞錄廕雖恩威出自朝廷乃議罪則若局外論功則又局中有是

理乎又儀制郎中典禮要寄人多傳舍視之宜定久任課最之規得

陞京秩庶精心討論不徒故事相蒙矣 上是之下部議儀制郎中

久任

御史沈向劾監軍兵部郎中張若麒貪功喪師復逃寧遠宜正其罪

報聞

先是李自成復趨開封總督丁啟睿楊文岳及左良玉虎大威楊德

政集朱仙鎮良玉議鋒銳未可擊會議必擊其說參差竟全軍大潰

寇退四五百里獲馬騾七千勅卒數萬遂圍開封啟睿文岳奔汝寧

壬子周堪磨為順天府尹

工部尚書劉遵憲進太子太保

癸丑給巡撫山東王永吉二萬金

乙卯右庶子張維機為少詹事兼翰林院侍讀學士左贊善閔仲儼

為左庶子編脩曹勳為左諭德並兼侍讀左中允吳偉業為左諭德

兼侍講編脩馬世奇司業羅大任為左中允並兼編脩

丙辰王家彥為太僕寺卿

己未命祭松山陣亡吏卒

庚申改南京兵部尚書呂維祺贈太子太保並無諡

南京兵部尚書余瑛免

壬戌南京兵部尚書米壽圖請誅張岳麒以謝天下報聞壽圖又上練

兵十害曰今天下練兵奉行三年矣寇至而城輒陷兵增而餉日糜

利賴不聞騷累日甚今不罷官將日深祖制衛所官軍又有弓兵民

壯歲有常食若實清覈教練可無逃潰奸細之憂此外如保甲人自

為守家自為戰本屬良法但在有司推誠厲精訓練之耳

癸亥諭各部諸司凡利民救時裨助政治攻補闕失者彙奏採行之

不得以誕浮泛陳至中外大小諸臣當痛自猛省服官儉爵各有職

四九

收

業何無全無匡濟任兵食之文窮忍邊腹之並亟終未有確然良畫
奮起擔當非朕之所倚望於諸臣也

論戶兵二部核兵餉銷通欠確議具奏及各邊興屯不得飾報虛數

并鼓勵忠勇信賞必罰

李自成羅汝才復攻開封初賊再攻不克多死亡乃圍以困之

甲子予故大學士文震孟祭墓

乙丑梁雲構為南京右僉都御史提督操江

釋黎玉田罪仍右僉都御史巡撫遼東寧錦玉田先同知半年

進昌平谷山僉事踰月開府

丙寅故

范廷弼贈太僕寺卿

戊辰故

劉廷訓贈國子監學錄

建昌陷塔山我兵部職方郎中馬紹愉駐塔山候朝命遣諭建昌毋
攻不聽城垂陷紹愉出建昌猶以卒衛之城中英民自焚無一降者
陝西總督孫傳庭檄諸將會兵于西安以援勦總兵賀人龍開縣噪
歸致孤軍共利過寇先潰致秦督秦撫陣亡因斬之以兵分隸諸將
人龍米脂人以諸生討賊有功襄城之役朝廷疑與賊通密勅殺之
賊聞人龍死喜曰關中如拾芥矣

五月己巳朔癸酉中書舍人陳龍正上言勦寇不在兵多期於簡練職
渠非專將勇藉於善謀而所云撫云宥又更有說曰解散曰安插解
散之法仍屬良將分其原籍別其強弱或使還鄉或聽墾荒或簡從

軍一切便宜安插又不屬良將而屬良有司有司十百其人亦十百
其心術才智不等在巡臺激揚而變化之今寇禍中州最甚賊初淫
殺民猶苦賊而望兵既無律賊反以安民為名民喜其至而迎之
誠中原之大憂也議者欲特設重臣收拾河北且屯且練此非正為
河北正以應援河南也又非獨為河南也安則京省俱安震則京省俱
震若漕運若河防種不相關必方略素優乃可授之首非其人微第
不堪受亦必不肯任也東古悔我制禦之道除督撫得人最亟外曰
畿內擇有兵略者為知府聽使且辟召從事曰用我所長我所長在
扼險在車營在火器彼所長騎射奔突耳良將在奇謀奇謀在用間
今之塘報亦間之一端也上是之

甲戌南京提學御史徐之垣入廬州見城守踈虞召北關副總兵唐應登入城未入忽小門西門德勝門各火起官兵俱潰則賀一龍計陷之也徐之垣及副使蔡如蘅知府鄭履祥合肥知縣湯登貴俱遁既失守巡按御史鄭崑奏賊假稱生童接學院而陷蓋卸罪訛傳之語也安廬道蔡如蘅不知所終

乙亥國子祭酒南居仁致仕

丙子故刑部尚書劉澤深贈太子太保

夜賀一龍陷無為州

穎州叅將李栩敗左金王于壽州

丁丑諭釋輕囚

戊寅宥馬士英起兵部左侍郎兼右僉都御史提督鳳陽軍務兼督湖廣安慶合勦

初周延儒再召故太常寺少卿阮大鍼等合覬萬金以大鍼逆案難之故用士英

庚辰禮科都給事中沈胤培言謚典自崇禎二年發訪單奄忽至今乞刻期舉行又羅倫謚文毅岳正謚文肅譚綸謚襄敏唐龍謚文襄亦列訪單其溢於冊中正恐遺於冊外在禮部宜精心搜討克副大典

兵部司務朱濟濟勅同職方郎中馮紹愉往款建路建遣迎時乘勝攻寧遠總督范志完總兵吳三桂再戰喝以講款止師緩攻退

舍三十里馮紹愉從養善木至瀋陽喝郊勞設享強紹愉謝不為
入館供具甚盛喝歸湯鸞泰及兵部尚書范文程來云我慙他出
留二十日始還旬餘喝歸湯鸞泰等備述起兵之繇南関負婚天
朝助彼侵我地故有撫順清河之役又殺僇我正乃取遼陽廣寧我
猶未嘗忘和屢致書表崇煥不報是以入承平遵化又不遠千里餘
至張家口未成於巡撫沈際暉俾我候命半載又不報復移書方一藻
又不報乃入密雲攻山東寧遠治兵不已我以下松錦今誠和幸
甚但前遼宣大塞外屬夷原撫賞銀一百四十八萬仍還之使不內
犯我獻參貂各五千南朝以黃金一萬折幣銀十萬相酬歲為常紹
愉折之再三乃議撫賞文際准百萬分寧遠東雙樹堡為界海上分

卿各府子入國子

長山島為界互市於連山建唯且去約九月不至則治兵
平山改山東左布政使相城張象文贈太常寺卿故東齊南道副使黃周周之訓贈光祿寺卿故歷城縣令
薛承堂贈光祿寺卿萬曰吉悞漕削籍

癸未李自成陷開州亳州

甲申吏部請補建言遠謫諸人臣給事中姚思孝何楷李化龍陰潤
李清莊鰲猷張作楫王之普張焜芳李希沅劉焜王文企御史李模
李曰輔周一敬林蘭友李右謹
先是大學士周延儒陳演請補閣員下吏部尚書李日宣謂故事廷
推重詹翰銓憲之長附之年來中外無用命文選即中虛化鰲會吏
科都給事中章正宸河南道御史張煊擬八人稍增至十三人禮部
右侍郎蔣德璟詹事黃景昉尚寶司卿姜曰廣禮部右侍郎王錫哀

國子祭酒倪元璐少詹事楊汝成右諭德楊觀光禮部右侍郎李紹
賢刑部尚書鄭三俊吏部左侍郎劉宗周兵部右侍郎吳姓刑部右
侍郎惠世揚都察院左都御史王道直
可亥命禮部改樂律志
禮科給事中戴明說請補謚故都察院左副都御史左光斗故大學
士文震孟不許
誅陣逃總兵王樸
戎子孫從度為國子祭酒孫晉為大理寺左少卿
復松江知府方岳貢官
都察院考試御史分三等上實授次仍試御史止一差候覆考次調

用為李友梅廖惟義等故有此命

禮部右侍郎王錫宗請還真人張應京等不允

庚寅西城浚井得鳳陽中衛千戶所百戶所印命詰失印之故

丁酉賀一龍復至廬州劫府印

是月建西虜各運茶鹽布等歸巢

癸巳左金王合馬守應賀一龍趨潁州以報壽州之役也李棚伯知

之伏步兵于城東南二十里棚以騎兵迎擊戰于城南樊家店伏兵

統其後奮擊敗之斬首千級

六月己亥朔命吏部再推閣員尚書李日宣叅往嘗推至二十八人因
廣及之禮部尚書林欽楫少詹事謝德溥詹事左瑜南京國子祭酒

王廷垣左庶子閔仲儼刑部右侍郎徐石麒都察院左副都御史房
可壯工部右侍郎宋枚通政司使沈惟炳大理寺卿張三謨吏部尚
書李日宣日宣初未列名上問閣臣此故事何外之也故今列上
庚子禮部以禮科都給事中沈胤培請廣科額遂加應天諸生解額
十人監生解額五人順天諸生七人監生八人浙江江西福建湖廣
各十人山東河南山西陝西四川各八人廣東六人廣西雲貴各二
人可賢一語於上蓋批而
賀一龍左金王復入六安英霍山中依林樾度夏秋爽復出以為常
安廬州縣殘破者半官吏咸攜印艤舟治事城中荆塞斷烟
辛丑兵部職方郎中馬紹愉發瀋陽至寧遠報以副書上本兵上

問閣臣周延儒至再終不對上慨然起時言路方改本兵故延儒
緘口不敢與異同又以脫後罪也言者乃云堂天朝何至講款以
重本兵罪上始移尚矣或云紹愉至塔山高臺堡宴建使者議
不及開市問之曰待吾主命也老憨至義州青諸臣私通欲殺使者
紹愉走免蓋我舊將孔有德沮之糧芻至仍進兵
談遷曰款議約百萬此馬紹愉飾說也夫舊賞百四十萬僅百萬
受成則何諱之有即先帝亦降心以相從矣其後徐冢宰若麒
辨馬紹愉款事云我邊臣椎牛釃酒張筵席十六燕彼使彼之首
長遣綱紀一美少年一龐眉皓首之老來會絕不語及開市事問
之則云待老憨命及憨至義州首詰諸酋長私與中國通擬殺我

使人譯者事為之祈請叩頭乞哀馮瑜紹等抱頭竄歸尚未見
慈面而今反飾稱親到瀋陽不幾夢中嚙語耶噫歎議於國事甚
重而使臣畏罪欺罔故存其說不得不敢正之

壬寅呂大器為兵部右侍郎添設

發帑金五萬戶部金十萬及銀牌布幣犒左良玉軍

癸卯宋繼登為南京鴻臚寺卿

乙巳陳士奇為右僉都御史巡撫四川

白貽清為戶部左侍郎張伯鯨仍右侍郎回部劉餘祐為兵部左侍

郎馮元飈補右侍郎李嵩為太僕寺少卿轄西路

丙午總督孫傳庭請練兵二萬得旨原議練兵五千可以破賊何取

盈二萬且百萬之餉安能即濟但得餉一月便當卷甲出關共圖殲
蕩不得過執取咎

戊申大學士習逢聖致仕

召會推閣員諸臣入對賜饌畢傳免次日趣會推內未至者陛見時

林欲揖使還趣之入

故總督尚書洪承疇舍人陳應安等奏去歲一月戰潰家主坐困乏

食殺馬飼兵忍饑苦守及逆將夏成德開門獻城家主被執罵賊不

屈惟西向叩頭稱天王聖明臣力已竭死之從來就義之正未有如

臣家主也

談遷曰松山敗沒洪總督之絕命未聞中外無不曰洪氏惜賫志

以死雖三尺孺子信其為張許也及蒼頭奏上果不負所望當世
勞臣強敏敢任孰知洪氏第匡濟大略非其所長則才識限之矣
語曰闔棺事始定天以完節付洪氏卹典特優天子望祭揮涕
嗚呼可不謂振古豪傑乎哉張春橋建終不誣滕朝廷及胤削
之洪氏改面事仇向非甲申南入則誰或知其非張許也蒼素變
於意外人不可料如此宋王繼忠陷契丹史無貶詞蓋款事之效
也洪氏有鑒於張春隻字不通中國善於自全其甘為李陵者耶
已酉工稍不愈

庚戌崇明盜平兵道程响散其黨二千餘人籍其兵四百四十人
辛亥免開封河南歸德汝州去年田租

同仁號本廠

癸丑大學士張四知致仕

翰林院待詔林增志仍編脩

諭各省直停刑三年

乙卯赦侯恂為兵部右侍郎兼右僉都御史總督平前等鎮援剿兵

餉改莊祖誨戶部左侍郎總督省直剿寇糧餉林日瑞為右副都御

史巡撫甘肅

故總督薊遼尚書洪承疇贈少保蔭中書舍人故巡撫遼東丘民仰

贈左都御史蔭子入國子監各予祭葬

丙辰考選官蕪京王漢王燮召對明爽俱試監察御史

丁巳召枚卜諸臣禮部尚書林欲揖等於中極殿卒則賜饌上先

御觀德殿試砲時賀逢聖教仕特召宴別異數也俄傳兵部尚書陳
新甲吏部尚書李日宣都察院左都御史王道直入上曰昨兵部
擬王藻蘓京王燮三御史出監河南軍今部院即議上又曰昨御史
梁士濟奏遵化巡撫王文清病可速易李日宣承旨上問誰可易
者對大名道魏公韓上曰王文清病卿前何以推對推時未病前監
軍三協人地相習也王道直曰督師洪承疇向稱文清為邊道第一
上命題三御史監軍因御中極殿召枚卜諸臣
戊午禮部右侍郎蔣德璟詹事黃景昉兵部右侍郎吳甦並為禮部
尚書兼東閣大學士直文淵閣且青吏部會推大典當矢公矢慎勿
濫勿遺今乃稱謝徇情如房可壯張三謨宋攻是否堪任責回奏

庚申吏部回奏曰前月十六日奉旨初舉十三人臣以為多也再推
如房可壯宋攻張三謨皆輿論共稱若任意徇私義所不敢出

前刑部左侍郎朱大啟卒大啟字君興秀水人萬曆庚戌進士授南
昌推官進吏部驗封主事改考功文選歷考功員外郎予告天啟中
改文選郎中絕顧秉謙馮銓之私囑又予告崇禎初起太常寺少卿
提督四夷館明年進太常寺卿催餉江西久之拜大理寺卿轉刑部
右侍郎改左致仕年七十八予祭葬贈刑部尚書

辛酉召廷臣於中左門賜饌上青袍東宮及定王永王緋衣
上詰李日宣曰朕兩年前曾諭諸臣有寧肯君父不肯私交寧隲職
業不破情面兩語今猶如故昨枚卜猶徇情濫舉大事如此況其他

予日宣奏辨兩上又請吏科都給事中章正宸河南道御史張煊及
房可壯宋攻張三謨閣臣為解曰房可壯峻節有識宋攻遂學習事
張三謨風裁持正原不媿枚卜上不聽明日下日宣等六人刑部
奪職

前大學士張陞發卒在發字聖鵠淄川人萬曆辛丑進士授
縣掾御史歷大理寺丞順天府丞光祿寺卿刑部右侍郎乙亥七月
改禮部左侍郎兼東閣大學士丙子六月進禮部尚書十一月進太
子太保丁丑主禮闈二月改文淵閣大學士六月首輔戊寅四月致
仕己卯六月存問辛巳二月再召辭允卒予祭葬贈
廣東道御史王藻監軍楚蜀江西道御史蘓京監陝督軍河南道御

史王燮監軍陽懷各剿寇

黃州大水

甲子命吏部右侍郎雷躍龍改用王錫衮吏部左侍郎仍堯右侍郎
署部事錫衮力辭上厲色曰朕久知卿清正大有才品今日亦規
避耶錫衮始受命

諭吏部都察院甄別各督撫除母借題卸代限十日

命祭故總督洪承疇九壇故巡撫立民仰故總兵曹變蛟王廷臣各

六壇予墓謚合祭京師諭近日死事文武大臣立壇朕親致祭

丙寅金蘭為太常寺少卿

丁卯吏部彙奏知兵諸臣李繼貞史可法孫傳庭范志完黎玉田馬

士英馮元颺王永吉守制李邦華藩集金之後魏公韓陳士英徐標
郭景昌罪廢待起張鳳翔范景文趙光卬余應桂王鰲永馮師孔有
旨李邦華服闋即用金之後等遇闕用張鳳翔等赦罪復冠帶革任
則還職俱令朝見
戊辰姜瓖為征西將軍署都督僉事總兵官鎮守大同
李日宣等上章請罪

是月吏科給事中朱徽言四事守令宜以任而戒俸之行取過濫考
選宜精嚴而越職之陳請太紛要地急銓除而郡縣之起廢當核人
才須儲養而師儒之選授宜隆

巡撫山東右僉都御史王永吉奏漕糧橫歛皆收役為之祟也奸民

以收役為利斂愚民以收役為陷罪欲除漕害非革收役不可然收
役作弊非弊源也弊源則各衙門提差也有一衙門則有幾十番差
遣有一番差遣則有幾百家擾害提差取足於收役收役取足於細
民雖欲不倍收不可得也欲除漕害必革收役欲清弊源必革提差
既革收役漕米何人催徵臣則有官收里催之法既革提差何時完
先則有分限認完之法上是之

皇工道御史吳履中言皇上之失有二曰大奸之罪狀未彰而身
為受過圖治之綱領未挈而用志多分何以言之臨御之初天下猶
未大壞特用溫體仁託嚴正之義行媚嫉之私使朝廷不得任人以
治事釀成禍源體仁之罪也專任楊嗣昌特款撫加練餉致民怨天

怒災旱盜賊結成大亂之勢楊嗣昌之罪也。皇上信任二人二人
恃其信任售其奸欺不知如何忠愛如何匪躬以自結於皇。皇上迨
深信不疑然後得為所欲為無不如意有執以罪彼一不任受曰
皇上自為之。皇上亦曰彼實未嘗專擅也乃益深信不疑。皇上
為二奸所誤而反代二奸受過也誠暴其罪於天下使知為二奸所
誤未嘗自有闕失亦收拾人心之大機也。至於圖治自有綱領聖人
撫世酬物因時制宜如今日內治闕而後戎馮生民生促而後鬼盜
起向者。遲於外而政治愈焚寇起於內而賦歛愈急是以生亂近
始反其所為省躬勵翼蠲租解網亂源已塞急宜求治無之人真能
禦者任邊陲真能剿寇者辦內地先了此兩大事而治功可次第

舉矣

七月己巳朔諭通政司急務即註特封進

庚午河南道御史張肯堂劾南京吏部尚書涂國鼎勒致仕

刑部擬李日宣等者舉非其人律擬杖

辛未叙東省剿逆功進周延儒少師中極殿大學士詹中書舍人陳

演太子少保戶部尚書武英殿大學士

免長興逋租

壬申都察院考定御史潘世奇劉熙祚徐殿臣劉遠楊爾銘汪宗友
李振聲曹溶徐一檢成友謙李瑞和沈向衛周胤倫之楷余日新陸
清源一等准實授阮振中甯承勳次之候覆考蕭鳴美區聯芳張法

廖惟義李友梅萬任又次之別用南京御史米壽圖王孫蕃一等王國楠張希憲次之王耀時又次之廖惟義許奏左都御史王道直去留任意南京御史張希憲亦以為言各削籍
甲戌外戚田弘遇子敦吉授錦衣衛指揮使
賀一龍毀廬州城執恭將覃世勛

乙亥李日宣章正宸張煊戌邊房可壯宋攻張三謨削籍且青刑部駝法狗縱回奏於是日宣戌重慶正宸戌湖廣張煊戌陝西初大學士陳演所親廖惟一試御史才庸甚及考職託左副都御史房可壯為之地不納張煊又加厲為惟一得調演憾之適上游西苑召周廷儒陳演延儒辭足疾演入舟中云枚卜皆二人主持故濫上怒

甚欲概譴日宣詞氣不撓始稍霽

丙子暫停河南鄉試

戊寅故楊觀光贈南京工部右侍郎故劉夢桂

都察院右副都御史故周甘雨贈都督僉事

辛巳沈惟炳為工部右侍郎

同禮太監齊本正提督東廠王承恩提督勇衛營

命總兵許定國渡河援開封李自成圍開封日久先是西攻未破士

卒怯憊一日逃數千自成遂申約但圍不攻朝命孫傳庭以秦師出

右侯恂以晉師出左互援

兵部言驛傳事宜命各撫按酌之

戶部尚書傅永淳言屯田一事曰軍屯夫軍買官屯民屯軍官地奕
葉相傳不必問矣但就冊報徵解即以折色改徵本色曰民屯凡荒
閒可耕之地出示召募軍民商賈願捐貲開墾者給帖為永業其願
耕無力者給佃法給貲秋成償而不息待二年後起科祖制每畝三
升并用七合斛用七斗曰兵屯有事用兵以戰無事用兵以耕宜以
七分城守三分屯田曰商屯依墾田多寡頒給職銜二百畝以上給
冠帶三百畝以上散官職銜四百畝以上秩視百戶五百畝以上視
千戶千畝以上視指揮僉事曰水屯招募南人習水利者度其原隰
使地無曠土水無遺利三年後起科曰陸屯擇不毛之地樹以桑棗
雜植榆柳諸木隨其所便給帖永不起科曰罪廢開屯能墾千畝准

開成墾五百畝准雜沃墾三百畝准配仍給冠帶俱認地三年而止
矧例察叙曰設官特遣大臣專理屯務設屯官分理寬以吏議遲以
歲月俾便且行事工是之

壬午兵部左侍郎劉餘祐協理京營戎政

故 彰德知府萬里為舍人所弑

癸未楊汝成為庶事韓四維為國子司業

皇貴妃田氏薨報朝三日妃父田弘遇嘗任干總妻吳氏倡也養妃
為女能書最機警居承乾宮丁丑旱上齋宿武英殿半月俄欲還
宮妃遣人辭曰政妾誕日不宜還也庚辰辛巳間太監曹化淳買江

南歌姬教人甚得嬖累用不妃見妃跡諫上報曰數月不見妃卿
學問大進歌舞一事祖宗朝皆有之非自朕始也及薨卹禮加等
甲申吏部左侍郎汪錫衮加服俸一級錫衮前諷上事佛寓規於

愛云

乙酉諭吏部曰近來有司不脩守備賊至輒陷原與衝鋒陣亡及持
久力誣者不同若概贈廕何以獎勸忠勞今後詳加分別除異常義
烈卹典取自上裁其失事隕身有司六七品贈監司五品其五品贈
監司四品方面官贈京秩著為令

郝晉為順天府丞

庚寅故總督楊繩武贈兵部尚書

設上江五部糧道

辛卯刑科給事中翁元益論巡撫安慶鄭二陽總督鳳陽高斗光疎

防玩寇命俱逮之

江山盜平

甲午戶部以涿寇充斥輸輓可慮請就海運上謂海運從權非經

久計不許

刑部左侍郎惠世揚罷右侍郎徐石麒麟二級道御史徐殿臣

言世揚以李宣等議事而去須略其老過始終袖宥即不然調商

京或准原銜休致以全聖明求舊之意不聽

乙未停鄉試副榜准貢書

丙申太子少保刑部尚書鄭三俊改吏部尚書

丁酉兵部尚書陳新甲下獄

詹事楊汝成署翰林院事閔紳儼為少詹事兼翰林院侍讀學士立

瑜為禮部右侍郎

八月戊戌朔祭太社太稷

御史劉熙祚言故庶吉士張溥力學砥行著述甚多命進其本刊本

寫本俱彙上

己亥李若星為右僉都御史兼兵部左侍郎仍總督王都為太常寺

少卿提督四夷館

南京刑部尚書劉廣生罷

薛敏忠為都督僉事總兵官鎮守薊鎮中協兼馬松喜大西路

庚子故鄭茂華贈兵部右侍郎故

子少保

仍優免諸生

癸卯吳麟徵為吏科都給事中

甲辰侯甸仍以兵部右侍郎兼右僉都御史總督保定山東河北軍

務并轄平賊等鎮援剿官兵殉奏寇患精十五年而始大誅河一朝

圖也由秦入豫一敗汪喬年再敗傅際龍而天下之強兵勁馬皆為

賊有矣賊騎數萬為一隊飄忽若風雨過無堅城因資於兵官軍但

尾其後潤所向而已卒或及之馬賸士饑甚且以賜劍之靈不能使

開城之縣冷出門一見運一束芻餽一斛米此其所以往也
今賊焚告迫全豫已陷其七八藩王皆救望若雲霓然自他日言之
中原為天下腹心自今日言之乃糜破之區耳自藩王之維城固
重自天下安危大計言之則維城當不急於社稷臣為諸道統帥自
任乎賊豈可言舍亦不援但臣所統七鎮合之不過數萬之卒而四
鎮尚未到也馮河而前無論輕身非長子之義亦使群賊望之測其
虛實玩易朝廷矣賊中情形臣已具悉大約饑則聚掠飽則棄餘已
因之糧不知積蓄地生之利未閉屯種且多久通思歸中宵雨泣以
衆積強難驅搜其鋒然其強易散可恃久而定也賊中聯營各部如
羅汝才一支窺李自成有兼并之心陰相猜貳而表時中有步卒二

三十萬則已去而顯與為敵矣惟是彼之情實難卒與我通而甯事
秉弑者避款賊之嫌又皆畏首畏尾不肯一擔當利害為國遠圖以
致機會之來覲面坐失此即朝換一撫夕易一督而省臺言兵事之
臣章跡日數十上豈能錙銖有濟哉誠能省朝中議論行間外軍法
不顧青備不徇人情厚集兵力養威蓄重伺隙設間潰其腹心賊又
變相内生惟在任事之人肯捐去形跡一捨其身與否而陛下聽
之斷與不斷任之力與不力耳故為今計苟有確見莫若以河南委
之令保定撫臣楊進山東撫臣王永吉北護河鳳陽撫臣馬士英淮
徐撫臣史可法南遏賊衝而以秦督孫傳庭塞潼關臣率左良玉固
荆襄凡此所以斷其奔逸之路也臣御自賊中來者皆言百萬今且

以人五十萬馬十萬計人日食一升合馬日食三升合則其所至之處田得少千鍾粟也中原赤地千里望絕人烟自茲以往安所致此哉自今兵強無過良玉良王為臣舊部每對臣使涕泣有報効之心三過臣里皆向臣父叩頭不敢擾及草木私恩如此豈肯負國但從前督撫駕馭平方兼之兵多食寡調遣為難誠使臣得馳赴其軍宣諭將士鼓以忠義用三楚之糧養全鎮之兵臣不就度支闕餉陛下亦不必下軍令狀責取戰期機有可乘即東出與孫傳庭合群賊腹背饑擾馳突無所不相屠戮必自降散舍此不圖而欲急已潰之中原失可扼之險要蛇豕肆孽恐其禍有不止於藩王者此社稷之憂而非小成敗之計也

乙巳刑部右侍郎徐石麒請獄鑰繳部堂稽驗出入從之
母未諭禮部以祧廟贈后三歲不祭見廟繼后三忌辰不祭欲以本
恩殿改建二殿供祧廟帝后禮科都給事中沈胤培言禮有萬世之
經有一時之權經者太廟一帝一后奉先殿亦一帝一后是也權者
別殿之專享奉先之列祔是也自神祖來繼后贈后皆以祔享為
例今欲建祧殿上而又不奉先殿之後將以奉先祧殿名乎抑以
名乎在神聖母可極尊崇而不必同於典列后在祔列后宜俾孝享
而未免抑於青祖宗如僧立武宮煬宮春秋皆大書特書見其毀已
久未宜立而輒置焉非即遠有終之義哀公三年書桓宮燬宮燬桓
僖親盡矣唐何忍存志其災以答其復也今祧廟三后但不得祭於

太廟奉先殿而陵祭遣官煮蒿之感原未嘗不伸必欲追罔極而事
如存則立別殿專事聖母揆之闕宮之文奉慈之建猶為合禮并
忌日設祭服青似宜分別又近稍避祖宗大書神書具其數已
已而禮科都給事中沈胤培復請行謚典命禮部議上云正平
廣成御史王藻巡按河南仍監軍接運監剿御史王燮監軍陽朔鼓
厲援汴嚴雲京召還初雲京知平原通逆存城叙切以尚書李日宣
杉榆預考選巡按河南前大學士謝陞發其奸并及日宣故調雲京
降用餘不問

安慶無變發指都押徐良憲先是副總兵廖應登領三千人
正國李自春各領千人素騷擾賈怨巡撫徐世蔭新至民休兵日爾

將誅矣時刑科給事中光時亨疏論應登宜申司馬法邸抄先傳遂
難作世蔭遂自南京諭悍卒斬七人從應登兵太湖正國兵桐城
誅逆將楊德政

刑科給事中左懋第言楊德政正法臣密緘駕帖還錦衣衛次又奉
御筆發科臣又密緘藏垣中凡繫密封皆不發抄若不請明誰敢宣
布而臣思此本密封恐機一洩罪帥或自引裁令其人已誅自當明
正其罪如此可聞可見之事而反閉天下之耳目哉臣因思各垣之
密封似此者多有必當密有不必密於事先不必密於事後
有當密於今日不必密於明日如制朝勅寇事閱兵勢何可不密也
如胡犯何邊寇擾其地動靜之情勝敗之事何必密也況邸報之抄

傳有災道路之訛言無端何可密也胡已遁逸已平仍當使群臣共
知其策此可密於事先而不必密於事後者也罪人獲矣必布其所
逮之繇正法矣必布其所誅之故此當密於今日而不必密於明日
者也范勅下六垣并詳察施行從之六下之五日共五日各五日
總兵牛成虎罷率家丁四百人自劾死日自焚命其地八之相自劾
辛亥馮守應賀一龍左金玉連營光山羅山一軍掠信陽一軍犯麻
城仍與張獻忠合軍游擊趙崇新撫賊袁時冲于履邑被殺時冲
獲俘就撫突入蕭縣執知縣以去

壬子停宗室換授

宗室平清入入對獻登其大降五國兵師如
張獻忠陷下安命事中大和宗室平清入入對獻登其大降五國兵師如

癸丑范景文改刑部尚書胡應台為南京工部尚書劉宗周為都察
院左都御史

新樂侯劉文炳少師禮部尚書林欲揖太子少保以閱陵也
故兵部右侍郎劉之綸贈尚書

甲寅諭邊畿各督撫即檄有司令民收穫入城遠則移駐大村毋藉
寇又諭西神軍五種皆然其軍民下其詳
諭戶部曰朕頃集廷議嘉意興屯念明春布種急需子粒事屬創始
不忍重累民間今畿輔河北豐稔可及時收穫預儲特發御前銀十
萬分買嘉穀收貯報完俟再收有司就近支動歲豐既可平糶穀賤
不至傷農公私兼濟莫善於此

戊午何瑞徵為少詹事清理貼黃

起陳子壯禮部右侍郎禮科給事中姜埰劾子壯不宜用從之

己未加范志院總理薊遼軍務兼制昌通保登天津兵部左侍郎兼

右僉都御史副都御史兼署兵部尚書

王定為征西將軍左都督總兵官鎮守延綏

唐申趙維岳為通政同使潘永圖為右僉都御史整飭薊州邊備巡

撫順天

癸亥蠲濟南兗州東昌及濮州等通租

工部尚書周堪廢罷

乙丑赦黃道周復任少詹事時周延儒承工上眷最深凡周上怒莫

五九

能挽回延儒能談言微中先是道周在獄人謂必不可救延儒以微

詞挽之得減放至是工偶言及岳飛事歎曰安得將如岳飛者而

用之延儒曰岳飛自是名將然其破女直事史或多虛張即如黃道

周之為人傳之史冊不免曰其不用也天下惜之上默然甫還宮

即傳旨復舊

丙寅職方郎中張若麒下獄論死

前大學士施鳳來卒鳳來字羽王平湖人萬曆丁未進士及第授翰

林院編脩戊午轉南京國子司業中允天啟初進論德兼侍讀

學士覽理詰勅癸亥少詹事甲子詹事七月禮部右侍郎乙丑轉左

署翰林院事丙寅進禮部尚書兼東閣大學士丁卯進少師兼太子

以

太師使部尚書中極殿大學士歷者輔依違逆璫工登極心薄之
引去名隸攬籍
行郊餘仗婚為大理寺右寺丞
巡撫福建右僉都御史蕭奕輔罷
刑科右給事中陳新啟匿喪被劾下撫按訊之尋遁
總督丁啟睿屢潰逃失勅印逮下獄總督楊文岳以朱仙鎮之敗亦
免
是月開封圍久食贖人相食周王既後捐金七百二十餘萬復捐歲
祿以養兵官人咸有饑色總兵劉澤清以朱家寨距城十里提五千
兵渡河依河為營列水環之達於大隄築通道以運糧則救援可濟

遂先後立營寇攻三日夜諸兵不至遂引去先是開封北十里枕黃
河巡撫高名衡推官黃澍等議鑿渠通運且引河水環濠以自固更
清隄灌賊立見其遁也渠遂成
李自成陷歸德殺推官王世琇世
琇字崑良清苑人崇禎丁丑進士時秩滿擢工部主事未行角賊被
殺又貢士徐作霖死之弘光時贈禮部儀制主事作霖庚午鄉試第

九月戊辰朔己巳設屯官

壬申葛徵奇為光祿寺卿李世祺為太僕寺少卿轄京營
癸酉顧錫疇為南京禮部右侍郎雷躍龍改南京吏部右侍郎倪元
璐為兵部右侍郎各兼翰林院侍讀學士

陳必謙為工部右侍郎張瑋為都察院左副都御史張鳳翔為右僉
都御史巡撫江西黃配玄為右僉都御史協理剿寇軍務巡撫安慶
池廬太平

甲戌備十五騎於西華門候急傳

乙亥故左都督蕭如薰贈太子太保
戶科給事中楊枝起言開荒事宜
地議故給事中徐貞明水道致治水跡進覽

丙子復趙士春翰林院編修

丁丑故工部尚書蔡思充贈太子少保故

按察副使各廢子入國子監

戊寅榮府富城王常莊等言仁和王由梧慘殺四王狀章下禮部

己卯金光宸為左僉都御史李遇知改南京吏部尚書

金之後為右僉都御史總理京東山永天津宣大屯務

辛巳張國維為兵部尚書

故國子祭酒南居仁贈禮部右侍郎廢子入國子監

禮科給事中宋之普削籍下刑部初吏時之普父鳴梧都察院左僉

都御史不引避

復劉同升翰林院脩撰

壬午夜河決開封之朱家寨溢城北

戎子採良家女充九嬪刑科給事中光時亨請緩之俟寇平舉行
已丑刑部署部事右侍郎徐石麒言罪樞陳新甲奏辨一曰有例再
曰有例不知親藩壘寄寇刃百姓駢解原城邑疊見丘墟兵士惟
聞逃竄此中樞所未有之罪也春秋之義人臣無境外之交今專擅
議款未聞奏請瞽師頻遣用張若麒以制任事之肘嗾石鳳臺以露
挾疑之端今日百口將誰欺乎上令覆擬石麒立奏上明日誅陳
新甲初周延儒入其賄營解甚力而奏國法大司馬兵不臨城不斬
上曰他邊疆即勿論儻辱我親藩七焉不甚於薄城乎延儒語塞
陳新甲字 四川 人萬曆壬子貢士
談遷曰陳司馬甚辨有口頗諳疆事羽書狎至裁答如涿案無留

牘後人莫之及其禍兆於主款時天子亦心動不欲外著宜興
預其謀而又避之聽至尊自為計事成則分其功事敗則委之司
馬司馬無識所遣張若麒輩倖倖一擲盡撤藩籬昔丁汝夔以休
分宜敗陳司馬以媚宜興亦敗大臣不深為社稷慮惟私者是狗
鮮有不覆者况捨攘危急之秋哉
庚寅白貽清為戶部尚書總督倉場黃希憲為工部右侍郎兼右僉
都御史總理河道仍加兵部右侍郎提督徐臨津通四鎮漕餉
仍選庶吉士
浙江海道副使前兵部郎中盧若騰奏臣八月抵臨清見內臣田國
興聯舟二十四艘役九百餘人擾驛阻閘上命司禮監覈其郵符

辛卯南京戶部右侍郎熊奮渭免。復南京太常光祿寺少卿。先是翰林院侍講徐時泰太僕寺卿潘雲翼上章自理戶科給事中廖國遴劾其以逆業思逞命逐回。開封水大至灌城先十日周王恭枵及諸王走磁州以巡按御史王漢舟迎之也。巡撫高名衡等俱北渡文武吏卒各奔避士民僅存者百不一二全城俱於賊所地高獨全蓋黃河秋時曾漲開封推官黃澍鑿渠道之忽橫溢淪溺數十萬人無不切齒者冰大坪入渦入泗入淮與故河分派邳亮皆災前太常寺少卿鄒陵梁克從舉家溺死克從萬曆戊戌進士。

都督僉事黃得功敗孫賊於潛山之小市

乙未上召對應辟諸臣張鳳翔等問以兵事鳳翔但陳水陸艱狀以諉飾下吏部詰所薦者跡上有黔枝已窮等語周延儒擬旨切責之單言耳創尋補官

丙申黃應選為都督僉事總兵官鎮守臨洮

十月戊戌朔總督漕運史可法言海運在得人不在增設官屬上設

左營副總兵廩應登現史可法於廬州回至舒城寇百餘騎執之

已亥張獻忠攻襄陽平賊將軍左良玉即夜乘舟去撫治鄖陽右僉

都御史王永祚監軍僉事熊飛俱遁

辛丑巡按湖廣御史汪承詔奏賊由四川出犯上青沿塗守臣何

不防禦

壬寅錦衣衛都督俞事駱養性進都督同知

甲辰命纂脩曆法楊國法所作火龍車砲矢等待九日試觀德殿

丙午劉良佐敗張獻忠于安慶得馬五千救回難民萬人

戊申惠王出奔巡撫偏沅陳睿謨以護籓行

寇攻桐城

庚戌賜貧民米布

壬子張肯堂為右僉都御史巡撫福建

甲寅王聚奎為光祿寺少卿

寇攻安慶先作鹽客泊河下陷之

乙卯刑部署部事右侍郎徐石麒言清獄請各撫按造冊呈覽從之

丙辰刑部覆刑科右給事中左懋第疏楊德政等重案後結皆即請

旨發抄惟是塘報一事實有可商南北多故人情場極秘不抄傳似

無再計第往有朝廷未知紳士未知而愚夫婦先知之發千里之

外而秘一堂之上勢必不能徒資狡僧欺飾之籍生通國風影之疑

耳不察不可察之不能且奈之何傳曰明民而民愚斟酌權實以神

其用尚費丙夜之前籌也

丁巳范景文改工部尚書曾櫻為南京工部右侍郎鄭垣為右僉都

御史提督軍務兼巡撫應天錢天錫為右僉都御史巡撫雲提督

軍務赴督軍... 戊午誅司禮太監劉元斌先是元斌監軍盜恣焚掠及論辟未得旨即奏辨南京... 道御史王孫蕃泄漏密旨... 上怒并誅裕民或曰此王德化駘養性交通政府為之也... 己未故大學士何如寵贈太保... 辛酉浙江左布政使李佺臺為南京鴻臚寺卿... 壬戌諭禮部同詹事翰林等官覆議祀典禮部言桃殿不宜創建欲立奉親殿奉安御容先帝貞皇后居中孝和左之聖母右之薦享如議太常寺卿張忻請奉先殿後奉三后大禋補一祭禮科都給事中沈胤培言... 貞皇帝后太廟有時享奉先有常儀復立奉親殿止

論於宗廟有豐禰之嫌且帝后皆以合享... 祖宗為尊至降從別殿恐... 先帝聖母之心不安臣愚莫若脩復... 孝宗奉慈殿為安奉慈之建本為... 孝肅孝穆而設... 世宗以... 孝惠祔焉正今日桃廟之三后也... 一整飭奉安而大禮畢矣... 駙馬都尉肇永圖請舉其建文君謚弔下部科議不果行... 乙丑常延齡嗣懷遠侯... 增明年會試額六十八... 丙寅漕欠崇禎八年以上准蠲其九年追計之一其十二年半追李自成羅汝才復陷南陽屠之合兵趨汝寧孫傳庭以兵敗上書自劾詔圖功自贖... 大學士大東孟...

十一月丁卯朔故大學士文震孟贈禮部尚書故少詹事姚希孟贈禮

部右侍郎各廕子入國子監

故巡撫寧夏右副都御史焦馨贈工部右侍郎

永城故總兵劉超叛起由武科歷貴州總兵官家居所收家丁故群

盜也同里故御史魏景琦蒼頭與家人爭訟而閔超見景琦謝過語

次家丁袖刃殺景琦屠其全家勢不自制并殺貢士喬明楷據城反

戊辰召開封推官黃澍利口諉鑿渠事李自成也授江西道御史

諭河南撫按賑濟難民

己巳命總理河道兵部右侍郎黃希憲治河塞決

張登科為鎮朔將軍署都督僉事總兵官鎮守宣府盧天福仍總兵

官鎮守山海關

中書舍人陳龍正上墾荒議及先臣徐貞明水道故治水跡命付金

之後酌之

庚午發十萬金命御史黃澍往河南賜周王三萬金餘賑宗室兵民

澍乾沒二萬七千金有奇寄衛輝庫中甲申三月潞王南奔是銀為

總兵卜從善得之蓋因知府文運衡與府城都司劉相許發其

事

科給事中陳燕貽劾黃澍決水灌城之失不聽

都察都左都御史劉宗周言六事曰建道揆京師首善之地先臣馮

從吾立首善書院竟以是罷臣請亟復書院以京師子弟之秀者肄

業仰聖明興道致治之意曰貞法守國初高皇帝不廢重典以懲
巨惡有錦衣之獄及請老氏凡民不畏死奈何以死懼之立命焚錦
衣衛刑具歸獄法司東廠亦國初定都時獨行之 皇上御極以來
此曹猶肆羅織之威自以風聞事件上塵睿覽請令一切獄詞專聽
法司不必另下錦衣其或不公不法踪跡彰著者獨許臣衙門及五
城御史覺察庶朝廷享清寧之福曰崇國體今尚書侍郎名位雖尊
朝而受事夕繫囹圄則請其受事之日人上以囹圄待之曰此五日
京兆者下陵上替轉相尤效等而進之王公一階耳此臣所為寒心
也請令大臣自三品而上犯罪者九卿科道會詳之後乃付司寇司
寇議定坐誅始得收繫其他即以其罪行遣此於僇辱之中不忘禮

遇之意也曰清伏奸前此枚卜之舉朝堂禁地忽有以匿名揭告者
請此等除匿名文字一切立毀不問朝紳交通近侍踪跡顯著者不
妨寘於典刑此外大小臣僚不論見任廢籍或借事以呈身或假途
以干進白簡從事立破奸謀矣曰懲官邪京師士大夫與外官交際
自臣通籍有科三道四之說者已為穢嘔 皇上加意澄清豈知
禁愈嚴而犯者愈衆情愈巧頃者薛國觀敗人心稍有警惕若猶未
也但有輦金入長安者臣必為風聞彈劾之立致三尺曰飭吏治今
日吏治之敗無如催科而火耗詞訟贖錢已復為常例未厭也乃至
朝廷頒一令則一令即為具獵之始地方有一事則一事即為科歛
之藉至於營陞薦謝巡方御史尤甚臣第責令地方但令巡方不要

錢則自巡撫而下皆不要錢以風憲受賍之律為回道考察第一義
吏治當有起乎一工是之

建大舉入犯分入墻子路界嶺青山

辛未巡撫河南右僉都御史高名銜免

壬申袁繼咸為右僉都御史仍充為事官總理河北山陝河務

癸酉建 陷遷安三河犯平谷知縣周攀第先伏河听砲卻之時分

道一趨通州一自柳樹澗趨天津

甲戌建 屯永平之臺頭

諭九卿科道舉堪督師大將者於是太子少保吏部尚書鄭三俊舉

南京都察院右都御史李邦華左都御史劉宗周自代少詹事黃道

周備幃幄總督漕運戶部右侍郎史可法巡撫天津四川右僉都御

史馮元颺陳士奇俱堪督師餘各舉有差

乙亥建 犯通州京師戒嚴勲臣分守九門

金之後為右僉都御史出鎮昌平吳家周為尚寶同卿

丙子徐石麒為刑部尚書趙光祚為兵部右侍郎兼右僉都御史總

督關薊通津軍務王漢為右僉都御史巡撫河南毛士龍為太僕寺

少卿轄東路

寧武總兵許定國下獄論死前以千人援河南兵潰道掠也寧武兵

善譁調河南又補一總兵或曰是導之逃縱也

兵部尚書張國維抵任時左侍郎馮元颺引疾右侍郎劉餘祐被劾

建 薄薊州 丁丑王鰲永為右僉都御史出鎮通州
諭京堂科道工措餉城守事宜時報建
萬攻山海關進青山口又五萬進薊州皆虛報也實二萬騎入墻子
嶺
戊寅命運通州倉粟俾京營各衛關支惠安伯張慶臻運炭西山給
趙光祚四萬金太監王承恩提督城守
張獻忠圍桐城知縣張利
民力拒之
已卯兵部檄各省直勤王兵入援
建 陷薊州

張獻忠陷黃梅

庚辰募運張灣各關回米一石入京者給四斗餘倍之聽營軍家人

代運

壬午建 盡入內地分往真定河間香河

癸未召考選官面問兵食即註官時敏李永茂傅振鐸龔鼎寧曹良

直周而淳俱兵科給事中三往真定順德廣平大名保定河間料理

城守堅壁清野申芝芳表彭年俱禮科給事中郝綱刑科給事中陳

燕翼彭瑄工科給事中初固始知縣時敏轉 部主事因禮部儀制

主事吳昌時賂周延儒自奏固始禦寇求考選得首對 上面註御

史敏出語人曰安能以獸補向人乎是夕周延儒揭入改給事中

甲申發帑金十萬資餉
周延儒薦前大學士同年王應熊延儒知外漸有異議故以自代蓋
資其辣手為援也 上從之命召應熊
姜垣為署都督僉事總兵官鎮守保定
襄城伯李國禎選練官舍
李自成表時中陷襄陽平賊將軍左良玉欽兵東下
丁亥令薊鎮東西兩協唐通等合兵策應薊州
命山東總兵官劉澤清入援太監盧九德防護鳳泗
戊子特給營軍胖衣
張獻忠陷無為州

庚寅吏部尚書鄭三俊言海州知州周諫貪虐山東提學 錢啟

忠通賄各削籍下臺訊

癸巳起張鳳翔兵部左侍郎張伯鯨改右侍郎並添設

兵部職方主事馬紹愉除名

甲午沈惟炳改吏部左侍郎郭景昌為右僉都御史巡撫湖廣

姜曰廣為南京詹事府詹事兼翰林院侍讀吳太冲為右春坊右中

允兼翰林院編修

是月曹縣 婦產兒兩頭項上有眼角仔過膝

閏十一月丁酉朔戊戌張忻為 部右侍郎

庚子發帑金二十萬市粟

辛丑故 盛以恒贈河南按察副使故

商學志贈河

南布政司右叅議

詔曰此者灾害頻仍干戈擾攘興思禍變宵旰靡寧實皆朕不德之所致也罪在朕躬弗敢自寬自今日為始朕敬於宮中默告上帝脩省戴罪視事務期殲胡平寇以贖罪疾惟二祖舊制令每朝早勳戚文武諸司等奏事者赴弘政門報名候召

壬寅建 臨河間明日分向臨清

德為右僉都御史巡撫山東徐淮河道叅議徐標為右僉都御史巡撫保定

甲辰建 臨霸州兵備僉事河津趙輝霸州同知雲南丁師夔死之輝字令質崇禎甲戌進士後贈光祿寺卿師義字象先選貢生後贈山東右叅議又霸州人前常鎮道叅政李時光預城守被執不屈死後贈太常寺卿

乙巳建 臨文安

丙午建 自青縣趨長蘆

戊申建 臨清兵道 總兵劉源清俱自經殺戶部郎中陳興言知州 同知陵川路如瀛判官臨川徐應芳吏目蕭山陳

翔龍及前總督宣大兵部右侍郎張梁衡太常寺少卿張振秀

邢大吉前臨汾知縣尹任

己酉李自成合諸賊圍汝寧監軍孔貞會以川兵屯城東楊文岳以
保定兵屯城西賊攻一晝夜川兵潰保定兵亦敗
唐成賊戴扉環攻雲梯石道並登執總督楊文岳及兵備僉事王世
琮文岳世琮罵賊以大砲擊之糜骨以死文岳南元人萬曆己未
進士世琮達州人天啟甲子貢士初授河南推官屢却賊射矢貫耳
不動號王鉄耳賊屠士民數萬燔邸舍無遺掠崇王由橫及世子諸
王妃嬪以行

都察院左都御史劉宗周以太僕寺少卿武英殿中書舍人王育民
為戶部員外郎孫順通賂因自劾命下育民順獄
建 陷阜城殺知縣呂大成

壬子建 陷景州

甲寅建 陷河間參議慈谿趙珽知府曲阜顏胤紹知縣文水陳三
接死之珽字東圭崇禎戊辰進士胤紹字永胤復聖六十五代孫崇

禎戊辰進士三接字君禮崇禎庚辰進士
戊午建 攻東昌劉澤清禦卻之遂西攻冠縣

庚申倪思輝為南京戶部右侍郎兼右僉都御史總督糧儲朱統鈔
為南京國子祭酒

禮科給事中姜埰下鎮撫司獄先是 上戒諭言官又時有匿名書
二十四氣之說隱詆朝士埰言 皇上脩省罪已又致誠言官豈有
厭薄之心哉惟視言官獨重故望之獨切言官中豈無忠謹如賈生

深涕者或持論太急無留聖心此言官之過也聖諭云代人規却為人出脫安敢謂盡無其事臣獨展轉而不得其故皇上何所然而云然乎或於章奏知之抑偶為懸揣也如二十四氣蜚語騰播必大奸巨慝惡言官而思中之謂不重其罪不能激皇上之怒箱言官之口後將爭效寒蟬墮閉天聰誰為皇上言之哉上大怒蓋有抵激也

蔣振辰李陳玉趙巽魏瑄黃耳鼎劉憲章任天成裴希度傅景星李挺鄭楚勛熊世懿楊若橋吳文英李植何綸喻志虞為試監察御史羅萬象為南京戶科給事中孫鳳毛朱國昌周元泰為南京試監察御史

庚申總督范志完兵至河間又淫掠

亥刻拱極城刀仗有大光二十許

辛酉建自臨清分五道本部趨東昌孔有德趨莘縣佟

巢丕昌趨館陶祖洪基趨高唐

壬戌建賊竇豐

癸亥建賊犯張秋其西路至大名不改

甲子召廷臣於中左門問禦胡及用督撫都察院左都御史劉宗周曰使貪使詐此最誤事督撫須極廉一介不取上曰亦須論才宗周退御史周燦請逮行間諸臣不用命者戶科給事中廖國遴糾總督江禹緒委卸御史楊若橋舉西洋人湯若望演習火器劉宗周進

曰唐宋以前用兵未聞火器自有火器輒依為勁誤專在此上曰
火器終為中國之長技宗周曰湯若望以一夷人有何作用據首善
書院為屠局非春秋賤夷之義乞令還國毋使誑惑上曰彼遠夷
無斥遣之理上色既不懌命宗周退又某某奏對上色漸解宗
周又進請釋姜珠熊開元云厥衛不可輕信是朝廷有私刑也上
色怒仰視殿梁曰東厥錦衣衛俱為朝廷問刑何公何私乎宗周抗
論不屈左副都御史金光宸言宗周無他意上益怒責宗周免冠
謝徐起退先是行人右司副熊開元求獨對召入德政殿求屏閣臣
周延儒求退不許開元奏訖大抵摘延儒之失退命補牘明日奏周
延儒以釋累囚蠲宿逋起廢籍奉行

德意自謂有裨於聖德有功於人才賢人君子皆其引用偶有不平
私相慨歎而已孰敢起而攻之願皇上徧召廷臣問延儒賢否即
以所論賢否定其人之賢否不半間延儒心事可明諸臣涿品亦別
於以察吏安民誅凶除暴天下之治端在於此若皇上不加體察
一時將吏狃於情賄雖民窮盜起失地喪師皆得無罪誰復為皇
上捐軀報國者上怒下鎮撫司詰主使周延儒引退手勅慰留初
開元出朝禮部儀制主事吳昌時力沮之雖補牘未敢盡在獄列款
累、鎮撫司不以聞嚴刑之下蒙蔽反甚

談遷曰昔人云觸忤貴臣禍在不測宜與方得君群情翕附熊開
元能冒大諱宜侃、指斥如朱雲唐介政其會也乃極慮平昔憚

俄頃微詞逢怒又補贖未詳所對見賈權黨終被拷掠有違初志
非批鱗之難其人耶

左良玉自朱仙鎮南滑父屯襄陽諸降卒附之衆二十萬其餼于官
者僅二萬五千餘因糧村落裏人不聊生

工科給事中陳燕翼上言兵餉單匱之由往年薛國觀等舍剛正之
士別用邊才利口雄貨競推方略至督撫大使冒濫會推冀幸故年
優游建牙故不憚重賂求薦呈身及鼠腹已盈秋風蠢動又不惜多
金乞彈劾為游說陛下設廠衛巡緝即因廠衛為介紹耳目近侍
即因近侍為援引陛下經年籌兵經年措餉不知此輩平日所輦
輸得官者皆陛下之兵所滿載而候代者即陛下之餉也陛下

下深居法宮亦曾憬然悟此與左右大臣發憤改圖庶幾快心於一
戰也昔楚子文自毀其冢以紓楚國之難張良不受萬金之貲報仇
強秦今何煩此輩毀冢但稍留餘地亦何用此輩捐貲但稍存人理
耳

翰林院脩撰魏藻德上言兵事 上善之

李自成袁時中攻舞陽不克

甲戌諭群臣戴罪脩省

建 陷沐陽

乙亥建 連陷沂州豐縣殺豐縣知縣劉光先一日來二千餘騎於
城西不攻夜有人自敵營逸語城上人曰彼且梯攻不之信又逸者

曰梯成三攻矣又逃婦出曰彼盡甲矣即至也昧爽突攻西南隅方
禦之忽梯登西北隅入焉

丙子廷杖給事中姜埰行人右司副熊開元仍下鎮撫司
復保定提督都御史議練兵三萬餉九十二萬七千金有奇

巡撫遼東右都御史黎玉田請定經制裁虛糜從之

仍設監軍御史蔣拱宸監薊鎮魏瑄監督師總兵張汝行仍鎮守通
州

吏科都給事中吳麟徵等會議要地督撫督師范志完順天巡撫潘
永圖宜建山永巡撫馬成名宣大總督江禹緒宣府巡撫李鑑宜罪
陝西巡撫蔡官治宜謫陝西總督孫傳庭宜留江西巡撫張鳳翮被

論偏沅巡撫陳睿謨衰邁廣西巡撫林贊宜去
丁丑夜張獻忠陷太湖殺知縣楊春芳典史陳知訓教諭沈鴻起訓

導晏懋履

戊寅都察院左都御史劉宗周削籍左副都御史金光宸降調吏部
尚書鄭三俊刑部尚書徐石麒各跡救不聽貢士海寧祝淵奏寬宗
周有旨停淵會試

建陽屬蒙陰泗水滕縣

庚辰吏部特舉中外才望諸臣

吳國華為南京國子司業

撫治鄖陽右僉都御史王永祚免

十二月丙寅朔李自成羅汝才合兵四十萬由唐縣而西左良玉營襄陽近郊造戰艦于樊襄人怨其淫掠縱火焚之良玉怒掠賈舟載皆擊其中而身率諸將營樊城高阜賊勢既盛襄民咸焚香牛酒以迎丁卯建崇自長垣趨曹濮別部抵青州陷臨淄知縣文昌時闔室自焚死

戊辰建三陷陽信殺知縣張予卿
李自成至樊城左良玉以礮殺賊千餘騎拔營而南懼賊不敢復與爭鋒鄖撫王永祚棄城走

己巳建攻濟寧拒邵之

李自成陷襄陽唐王襄王常澄俱走免平賊將軍左良玉拔營

南走承天賊分兵陷夷陵宜城荆門向荊州

辛未許離深廢弁赴兵部具畫毋自請

建土陷瀕州

壬申孟兆祥為太僕寺卿

惠王避岳州

癸酉建入陷兗州執魯王以派脅金至盡自經王性孝謹事父肅王

依不刻離崇禎十年三月肅王疾甚以派計無出畫禱于廟夜半

若有告語者刳股和羹以進而瘡詔旌之越二年肅王薨以派毀瘡

骨立送塋徒步百里外終喪蔬食及進封折節下士嘗飲香界園曰

白氣魯分野恐變在年內也至是城破過害子一同自死左長史俞

起蛟及兵備
王維新知府鄧蕃錫同知樊吉人管河
富順魯文蔚總河監紀同知閻調鼎推官李昌期滋陽知縣郝芳聲
副總兵丁文明滋陽吏科左給事中范淑泰等死之維新後贈光祿
寺卿蕃錫字晉伯金壇人崇禎甲戌進士贈太僕寺卿李昌期字穉
隆永平人崇禎丁丑進士贈山東按察僉事郝芳聲字香字忻人崇
禎庚辰進士贈山東按察僉事范淑泰字通也崇禎戊辰進士贈太
僕寺少卿各廕子入國子監按察僉事李恪逃城外敵退倉皇入城
為土寇所殺

是日已刻建兵上泰安青州魚臺武城金鄉單縣俱陷

甲戌偏沅巡撫陳睿謨棄荊州奉惠王常潤走湘潭李自成遣守馬

應據夷陵以犯澧州賀一龍趨德安以窺黃州一龍至黃陂阻水不
前止收左良玉殘兵八百人而先見羅汝才自成大恨之

辛巳李自成至荊州士民開門迎之

癸未建國海州

甲申巡撫順天潘永圖提督三閩馬成名免

發帑金二萬佐光祿寺煩費

乙酉孫傳庭請入援因防河南不許

丙戌禮部尚書林欲楫考績進太子太保

丁亥平賊將軍左良玉渡江避入武昌恣殺掠倡為據江扼剿之計

戊子李邦華改都察院左都御史丘瑜楊汝成為禮部左右侍郎孫

晉為兵部右侍郎兼右金都御史總督宣大山西軍務
己丑工部右侍郎周堪廢兼右金都御史督脩汴河兼管河南山東
鳳陽淮徐河工給十萬金
故西... 于王立贈太僕寺少卿

建 陷滕縣殺知縣吳良能

辛卯吳履中為大理寺左寺丞

癸巳陷霸榆

甲午山東武德道僉事雷演祚奏行間情形及督師范志完縱掠索
餉在德州如此沿途可知

陷嶧縣

乙未李自成至承天

建 陷郟城

書為某部不傳

也但江部石倚

馬為在徐河

改子玉三

建

中為大

甲午

數在

已未

卷六



